

# Ditaelo Tsa Ga

## Gabariele Kwa Go Daniele



Morena a go segofatse, mokaulengwe. Dumelang, ditsala. Go mogote thata, go nna mo motlaaganeng mosong ono, fela ke mo go galalelang thata go nna fano. Ke itumetse thata gore re kgonne—kgonne go tse na gompiano ka ntlha ya tirelo ena. Mme re itsisitse gore ke tlaa nna le thuto jaanong ka ena *Dibeke Tse Masome A Supa Tsa Ga Daniele*. E e gokaganyang tse dingwe tsa Molaetsa pele ga ke ka tsamaya ka di—Dikano Tse Supa. Mo e leng, Dikano Tse Supa; Dipetso Tse Supa; Dinaka Tse Supa; Matlhoko A Le Mararo; mosadi mo letsatsing; go kgoromeletsa ntle diabolo yo mohubidu; ba ba dikete di le lekgolo le masome a manê le bonê ba kaneletswa; tsotlhe di diragala fa gare ga nako ena. Mme ke ne ka akanya gore ke tlaa tshwanela go tsenya ena pele.

<sup>2</sup> Jaanong, go mogote. Ga re a ikaelela go nna lobaka lo lo leele, fela jaaka re ka kgona. Mme ena ke paka, ka tlwaelo, paka e fedile, eo ya nako e batho ba senang kereke kgapetsa kgapetsa. Mme, segolo bogolo, mme botlhe ba bona ba na le diphaposi tsa botsididi le bomogote jwa phefo tse di laolegang, le jalo jalo, kwa go sa patiseng. Re eletsa re ka bo re na le seo, fela ka nako e na ga re na gone.

<sup>3</sup> Ba le bantsi ba borrarona ba pele ba ne ba dula kwa ntle mo letsatsing le le mogote. Fa ke akanya ka go kopa boitshwarelo mo bathong ka ntlha ya go se nne le phaposi e e nang le phefo e e laolang bomogote le botsididi, dikakanyo tsa me di tlhola di boela kwa Aforika kwa ba neng ba dula foo mo matsubutsubung ao, mme basadi bao ka moriri wa bona o lepeletse mo sefatlhegong sa bona, ba dule foo tsoopedi motshegare le bosigo, ba sa tlofe fa lefelong fa ba dutseng gone; ba sa je, ba sa nwe, le eseng sepe, ba dule gone foo fela go utlwa Lefoko, kgotsa a le mabedi, nako nngwe, la Morena.

<sup>4</sup> Nka akanya ka ga Mexico fa go le mogote thata gore, mo go boammaaruri, ke ne ka dula mo kamoreng e bomogote le botsididi jwa yone bo laolegang mme ka leka go itlhabela phefo, go ne go le mogote jang. Mme ke bone batho bao ba tla foo ka nako ya ferabongwe mo mosong, mo patlelong e kgolo eo, mme go sena ditilo, go dula faatshe. Batho ba ba lwalang, ba lwala ka mmannete, ba swa, ba lwala; kankere, thurugo; le bomma ba ba lwalang, bananyana ba bannye, ba ba swang le sengwe le sengwe, ba eme gone foo mo letsatsing leo le le mogote wa go bela, go se moriti gope, mme mongwe a ikaega fela ka yo mongwe go tloga

ka nako ya boferabongwe mo mosong go fitlha ka boferabongwe bosigong joo, fela go utlwa metsotso e le masome a le mararo ka motoloki, mme ba bone ditiro tsa Morena. Ba dule foo mme ba lete, ba apere diaparo tse di tona tsa kgale, ba di apara mariga le selemo. Ke sotlhe se ba nang le sone.

<sup>5</sup> Mme fong ke akanya ka ga go dula fa ntle foo mo dikgweng tseo, ka foo ba neng ba tle ba tlise ba ba lwalang bao mo teng, ba ba neng ebile ba sa kgone go tsamaya. Mme ko India, fa ba ne ba tle ba kokoanye mongwe faatshe, ba tloge ba beye mongwe mo godimo ga yoo, mongwe mo godimo ga yoo, fela jalo, ka lepero le malwetsi; kwa ba tlaa ba gogang go ralala, le kwa ntle mo mebileng, mme ba ba beye mo matsatsing ao a a mogote, a a belang, a kwa mafelong a a mogote a le dipula. Mo matsubutsubung, le legadima le gadima, le dilo tse di jaaka tseo, ba ne ba tle ba dule gone foo mo letsatsing le letsubutsubung leo, le sengwe le sengwe, mme ba se tlhole ba tloga kgotsa ba ngongorega, fela . . . mme ba leka bo utlwa Lefoko la Modimo, nako nngwe, sengwe sa mowa wa bona wa botho. Fong goreng re tshwanetse re kope boitshwarelo mosong ono, ka borulelo fa godimo ditlhago tsa rona, ditlhabaphefo di dira? Re tshwanetse re tlhajwe ke ditlhong fa re ngongorega ka ga gone.

<sup>6</sup> Jalo he ke a gakologelwa e se bogologolo, ko setlhakatlhakeng, sengwe sa ditlhakatlhake golo kwa South Seas, ke ne ke na le tirelo koo bosigong joo. Mme, ao, go ne ga tlhagelela letsubutsubu. Ao, ga ke ise ke bone letsubutsubu le le jalo, fela kgadimo e le nngwe ya legadima morago ga e nngwe, e sedifatsa lefatshe. Le ka fa diphefo di neng di foka go fitlhela ditlhare di ne di wetse gone mo mmung. Ke ne ka re, "Sentle, bona ba . . . Go botoka ke tsewelele ke apole sutu ya me, ka gore ga go tle go nna le motho ope golo foo."

<sup>7</sup> Mo metsotsong e le mmalwa koloi e nnye e ne ya kgweeletsa ka samorago fa mojakong, mme mongwe ne a kokota fa mojakong, a ipaakanyeditse go tsamaya.

Mme ke ne ka bolelela mosimane, o ne a kgona go bua Sekgowa, ke ne ka re, "Go na le mongwe golo koo?"

Ne a re, "Ga o kake wa kgona le e leng go tsena kwa bolokong jwa motsemogolo jwa lefelo leo," mo phakeng e kgolo ya kgwele ya dinao.

Mme ke ne ka re, "O raya gore batho ba—ba kwa ntle foo fela jalo," ke ne ka re, "letsubutsubung lena lotlhe?"

Ba ne ba re, "Ba batla go utlwa ka ga Modimo."

<sup>8</sup> Mme—mme jalo he ke ne ka fologela koo. Mme go ne go na le bahumagadi, makgarebe, banana, ba sa nyatse le go tshaga, mme a thuntsha tshunkama, ebile ba buwa ka ditsala tsa bone tsa basimane. Lefoko lengwe le lengwe, ba ne fela ba Le ngaparela; mme ba sa tloge, ba dula fela mme ba reetsa. Dira piletso aletareng, dira fela piletso aletareng, mme dikete di

ne di tlhatloga, ka dikededi di elela go fologa matlhong a bona jalo, ka diatla tsa bona di tsholeleditswe kwa go Modimo, ba batlela mowa wa bona wa botho boutlwelo botlhoko, basetsana le basimane ba bannye, bogodi jwa dingwaga di le lesome le bosupa, lesome le ferabobedi. Jaanong ka mokgwanyana mongwe go bokete go dira batho ba ba godileng le e leng go reetsa, lo a bona. Go—go supegetsa gore ga re na sepe go ngongorega ka ga sone. Malebogo a nne go Modimo! Ee, rra.

<sup>9</sup> Re tlaa rata go nna le gone gotlhe go le ga segompiano jaaka Amerika yotlhe, fela rona ga re na gone ka tsela eo; jalo he re tlaa tswelela fela ka se re nang le sone.

<sup>10</sup> Jaanong, ke na le selo se sennye se ke se lemogileng se ke tlaa ratang go se dira fano mo motlaaganeng gape. Ke ba le kae ba ba nang le Dibaebale, tsholetsa seatla sa gago. Go siame. A re buleng kwa go Pesalome 99 pele ga re nna le thapelo. Re ne re tlwaetse go dira sena, Mokaulengwe Neville, dingwaga tse di fetileng. Ga ke itse a kana . . . A o setse o badile Pesalome mosong ono? [Mokaulengwe Neville a re, “Nnyaya.”—Mor.] Nnyaya. Ke rata fela gore, phuthego, gore e bale nngwe ya Pesalome.

<sup>11</sup> Mosong ono, fa ke ne ke dutse mo ntlwaneng ya me ya boithutelo, ke tlhatlhanya ka Molaetsa ona le Lefoko, ke ne ka akanya, ke ne ka akanya, “O a itse, go tlaa nna molemo gape go dira—go dira botlhe ba bale Pesalome. Ke go rata sentle thata.”

Lebaka ke neng fela ke le tharinyana, mogala wa sekgala se se leele ba ne ba ntshwareletse, go tswa Cheyenne, jalo je leo ke lebaka ke neng ke ntse jalo.

<sup>12</sup> Mme jaanong, fa re santse re bula kwa Pesalomeng ena, ke na le dikitsiso dingwe tse di tshwanetsweng go diriwa, tse di fetsang go di fiwa. Moo ke Pesalome 99.

<sup>13</sup> “Go tloga ga fa, dikitsiso tsotlhe tse di mabapi le dikopano fano fa motlaaganeng, le ko matsholong, di tlaa tswa mo kantorong fa Jeffersonville. Ope yo o eletsang go itse ka ga dikopano o tshwanetse a botse, kgotsa a neele leina le aterese ya gagwe, mme a e beye mo felong ga therelo kwa go tswalweng ga tirelo bosigong jono. Kitsiso e tlaa romelwa kwa go wena go sa le nako gore o kgone go dira dithulaganyo go ka kgona go nna teng kwa dikopanong.”

Moo ke, fa mongwe mo isagong a batla go itse fela kwa re ileng go nna le dikopano gone, re na le tsamaiso e e tlhomilweng, kwa kantorong golo foo jaanong, gore wena o ka nna wa tsenya fela leina la gago le aterese fano. Mme re tlaa go romelela karata, kwa pele ga nako, gore o tle o itse kwa dikopano di diragalang gone, le gongwe dirutwa, le fa e le eng se sengwe se se leng teng, fa o ka kgona go nna le tšhono. Lo a bona, fa o sena lefelo lengwe la semmuso kwa e tswang gone, mongwe o bua *sena* mme mongwe o bua *sele*, wena—wena o ka se ka wa e bona, lo a bona. Jalo he go

letleleleng . . . Kwala leina la gago le aterese mme o di beye golo fano, mme Billy Paul o tlaa di tsaya a bo a di aba.

<sup>14</sup> Jaanong, go ne ga botswa, le gone, fa go tlaa nna le tse dingwe . . . “Mokaulengwe Branham, a o tlaa nna le ditirelo tse dingwe gape tsa phodiso mo motlaaganeng, le ditemogo?” Nnyaya. Nnyaya. Ditemogo di tlaa newa ke—ke lekgotla le lengwe la rona. Re na le Mokaulengwe Neville fano jaanong yo o nang le neo ya seporofeto, yo o porofetelang balwetsi mme a dire gore ba itse dilo tse ba tlhokang go di itse. Mme re na le mokaulengwe ka leina la Higg- . . . Higginbotham, mongwe wa batshe . . . ne a le motshepegi, ne a direla ka boikanyego mo komiting. Ga ke mmore mosong ono, fela ena ka tlwaelo o na le neo ya go bua ka diteme. Le mohumagadi yo monnye yo o bidiwang Arganbright, kgaitisadi yo o rategang yo monnye yo o nang le neo ya go phutholola diteme.

<sup>15</sup> Mme melaetsa ena e netefatsa go bo e le ya Modimo, ka gore yone tota ga e tswe mo tolamong, e tlhomegile fela mo tolamong. Mme ka bonako fela fa dineo tsena di simolola go kokotlegela, re ile go leka go—go tlhoma tso . . . go di dira di tlhomege ka go nepagala mo kerekeng, tsela ya go go dira. Mme ke ile go ba bona mo bogautshwaneng thata, mme e le gore diko—gore diko—dikopano di tlaa diriwa di tswelele pele fela ka boitekanelo mo tolamong ya Morena, jaaka re ka kgona go di dira di siame sentle.

<sup>16</sup> Fela batho bana ba ba ratiwang, go bua moagisanyi wa me jalo, Mmê Wood, yo o nang le segodisamantswe se gokagantswe golo fano, le theipi kwa morago foo, go theipa bokopano, ka maikaelelo fela a go tsaya melaetsa eo, mme a e kwale, mme a bone a kana e nepagetse kgotsa nnyaya. Lo a bona? Ke ka foo a e tlhotlhomisang ka gone. Ke itse Mmê Wood go bo a le mosadi yo o boammaaruri. Mme o mpolelela ka ga dilo di le dintsi tse di neng tsa bolelwa, tse di diragalang.

<sup>17</sup> Jaanong, rona re itumelela seo. A kgololesego e seo se leng yone fa go nna kwa gae, fa ke tsena kwa gae, foo. Temogo eo mo letlhakoreng la seporofeti e ntapisa fela tota, mme, ke gone ka moo, Modimo o nthomeletse kgololo nngwe ka ntlha ya seo, ka seporofeto, le go bua ka diteme, le phuthololo, e e leng seporofeto. E leng gore, ke seporofeto, go bua ka diteme. Go na le batho ba babedi ba ba farologaneng ba ba porofetang. Yo o buang, yo mongwe a tlhologanya se yo mongwe a se buang ka diteme tse di sa itsiweng, ke seporofeto totatota. Mme jaanong re tlaa bo re . . . Re na le seo letsatsi lengwe le lengwe, bokopano bongwe le bongwe fano fa re nna le mela ya rona ya thapelo mo bokopanong.

<sup>18</sup> Jaanong, go na le mongwe ka ntlha eo yo o ka botsang, a go ne . . . ka ga neo. Ee, ke santse ke na le yone. Fela ka tsela eo, tsela e le esi e ke e dirisang, ke mo dipotsolotsong tsa fa sephiring, tse

ke nang le tsone. Mme, go bona tseo, ke a dumela ba na le gone mo borotong ya dikitsiso kwa morago foo, go bona tseletso le go tlhoma nako ya gago mo tolamong, ka Billy Paul, mosimane wa me, ka ntlha ya fano kgotsa mo bokopanong morago ga jona. Kwa ntle kwa madirelong, gongwe le gongwe, o tshwanetse go nne le karata e nnye e Billy Paul a tlaa e go nayang. Fa go na le sengwe mo botshelong se o sa kgoneng go se tlhologanya, mme o sa itse gore o ka tswa jang mo go sone, mme o senka botlhale jwa Morena, fong mpe. . . Bona Billy Paul, morwaake, yo o leng mokwaledi, mme o tlaa go naya karata e nnye, mme a go rulaganyetse letsatsi, kwa nakong.

Mme foo fa re na le dipotsolotso tseo, fong moo ke nako e re tlaa tsenang ga mmogo, wena fela le nna. Mme fa e le basadi ba tla, o tlaa tsena le nna le mosadi wa me. Mme foo wena. . . Re tlaa batlisisa, mme re senke Morena mme re Mmotse se o tshwanetseng go se dira.

<sup>19</sup> Jaanong, tse dingwe, dikgetse tse di botlana le jalo jalo jalo, di neelwa kwa go Mokaulengwe Neville, le Mokaulengwe Higginbotham, le Kgaityadi Arganbright, le ba bangwe ba ba buang ka diteme le ba ba phuthololang, ba ba leng fano mo kerekeng.

<sup>20</sup> Ke gone ka moo, re leng jaaka mosepele. Ke a dumela e ne e le Jethero, ne a raya Moshe letsatsi lengwe, lo a bona, a re “Mma re tseye bagolwane ba bangwe.” “Mme Mowa wa Modimo o ne wa tloiswa mo go Moshe wa bo o bewa fa bagolwaneng ba le masome a supa, mme ba ne ba porofeta. Fela dilo tse di kgolo le tse di bokete fela di ne tsa tla kwa go Moshe a le esi.” Jaanong, ga re Moshe, le eseng gore bana ke bagolwane, fela re santse re direla Jehofa Modimo, ka Pinagare ya Molelo e e tshwanang e re etelela pele kwa Lefatsheng le le solofeditsweng.

Jalo he, foo, ee, go tlaa nna le ba bangwe, tlaa nna le dikopano mme go tlaa nna le diphutholo- . . . Ditemogo di tlaa tla. Moo go tlaa bo go nnaya tshono foo go nna mo thapelong le go ithuta, matsatsi a ke itseng gore dipotsolotso tsena di a tla, mme ke di ipaakanyetse.

<sup>21</sup> Jaanong gakologelwang, Billy Paul Branham, mokwaledi wa rona wa kwa madirelong, o tlaa. . . Go mo. . . Kitsiso e mo borotong kwa morago foo, ka batshepegi. Ke na le mokwalo fano go itsise seo, le go bolelela batho gore ba ka nna ba go bala mo borotong ya dikitsiso, ba tswa.

<sup>22</sup> Jaanong, jaanong, mosong ono re na le thuto e botlhokwatlhokwa, mme bosigong jono re tlaa leka go tswelela ka yone. Mme, fa Morena a ratile, Letsatsi la Tshipi le le tlang, e nngwe, ka mo go yone. Ke ne ke sa itse ka foo e neng e nna boteng ka gone go fitlhela ke ne ke kgona go e ithuta. Mme e santse e le masaitseweng mo go nna, le ka nako e, mme jalo he ke ikaegile fela ka Morena.

23 Jaanong, ka Dibaebale tsa lona, a re buleng kwa Pesalomeng 99, 99. Mme ke tlaa bala temana ya bo 1, phuthego e bale temana ya bo 2, fong rotlhe ga mmogo re tlaa bala temana ya bofelo. Re tswelile pele; nna, ya bo 1; phuthego, ya bo 2; nna, ya bo 3; phuthego, ya bo 4; go tswelile go ya kwa temaneng ya bofelo, mme foo rotlhe re e baleng ga mmogo.

A re tla ema fa re bala Lefoko la Modimo. [Mokaulengwe Branham le phuthego ba bala Pesalome 99:1-9 jaaka a kaetse—Mor.]

*MORENA o a busa; a batho ba rorome: o ntse fa gare ga ditšheruba; a lefatshe le tshikinyege.*

*MORENA o mogolo mo Sione; mme o okame batho botlhe.*

*A ba bake leina la gago le legolo mme le le boitshegang; gone ke le le boitshepo.*

*Maatla a kgosi ebile a rata katlholo; wena o yo o tlhomamisang tekatekanyo, wena o diragatsa katlholo le tshiamo mo go Jakobe.*

*Godisang MORENA Modimo wa rona, mme lo obame fa pele ga seboe sa dinao tsa gagwe; gone ene o boitshepo.*

*Moše le Arone mo baperesiting ba gagwe, le Samuele mo go ba ba bitsang leina la gagwe; ba ne ba goela MORENENG, mme a ba utlwa.*

*O ne a bua nabo a le mo pinagareng ya leru: ba ne ba boloka ditshupo tsa gagwe, le melao e a neng a e ba neile.*

*Wena o ba utlwile, Ao MORENA Modimo wa rona: o ne o le Modimo o o boitshwarelo mo go bona, le fa o ne wa busolosa ka fa ditirong tsa bona.*

*Godisang MORENA Modimo wa rona, mme lo obame mo thabeng e e boitshepo; gone MORENA Modimo wa rona o boitshepo.*

24 A re obeng ditlhogo tsa rona.

Ka nnete, Morena, Mafoko a na a kwaletswa Wena le go kwala ka pene ke motlhanka wa Gago, Dafita, mo Pesalomeng. Wena ka nnete o dula fa gare ga Ditšheruba. Wena o boitshepo, le thaba ya Gago e boitshepo. Re leseletse re atamele gaufi ka dipelo tsa rona di kgatshitswe ka Madi a Morena Jesu, ka segakolodi se se itshekileng, le ka tumelo le tlhomamiso gore re tla ka fa Bolengteng jwa Modimo wa rona. Mma bareetsi botlhe bano mosong ono ba nne masisi. Bula ditsebe tsa rona tsa tlhaloganyo. Bua ka rona, ka botlhale, gore re tle re itse ka foo re ka itsholang ka teng mo metlheng eno le mo Bolengteng jwa Gago.

25 Re tlaa Go kopa, Modimo wa rona, go re senolela dilo tsena tsa sephiri tse di ntseng di fitlhilwe dingwaga tsena tsotlhe, ka re

atamela lengwe la Mafoko a a bopelophepa, a le masisi. O ne wa bua ka ga gone fa O ne o le fano fa lefatsheng, mme wa re, “Ena yo o balang, a a tlhaganyane.” Jalo he, re tla kwa go Wena ka ntlha ya bopelontle, Morena, mme re senka botlhale jwa Gago, re sa itseng fela se re tshwanetseng go se bua. Ke beile fano ka tolamo Dikwalo di le mmalwa, mme ka masisi le gotlhelele ke ikaegetse karabo mo go Wena, go sena boikaelelo bongwe bo sele fa e se gore re tle re itse oura e re tshelang mo go yone, gore re tle re itlhwatlhwaletse dilo tse di tona tse di leng fa pele. A ga O tle go re di dumelela, Morena, ka Leina la Ena Yo o rutileng rotlhe gore re tshwanetse re rapele jaana! [Mokaulengwe Branham le phuthego ba rapela ga mmogo go ya ka Matheo 6:9-13—Mor.]

*... Rraetsho yo o kwa legodimong, leina la gago a le Itshepisiwe.*

*Puso ya Gago a e tle. Thato ya Gago a e dirafale mo lefatsheng, jaaka go ntse kwa legodimong.*

*Re neye gompieno senkgwe sa rona sa matsatsi otlhe.*

*Mme o re itshwarele melato ya rona, jaaka re itshwarela bao ba ba melato le rona.*

*Mme o se re gogele mo thaelong, fela o re golole mo bosuleng: Gonne puso ke ya gago, le thata, le kgalalelo, ka bosenabokhutlo! Amen.*

<sup>26</sup> Dulang. Jaanong, fa ope wa banna a batla go apola jase ya bona, iikutlweng fela lo amogelesegile. Mme bao ba ba emeng go dikologa matlha—matlhakore a lomota, fa dinao tsa lona di nna botlhokwana, gobaneng, iikutlweng fela le gololesegile go tswela kwa ntle.

<sup>27</sup> Mme jaanong, ke a akanya, fa bana ba batla go ya kwa diphaposing tsa bona, kgotsa a bona ba setse ba phatlaladitswe? [Mokaulengwe Neville a re, “Nnyaya, ba ka se kgone. Re ka se kgone go nna le yone mosong ono, ka ntlha ya lesomo.”—Mor.] Modisa phuthego a re lesomo le kitlagantse diphaposi, jalo he re ka se kgone go direla ba ba botlana sekolo sa Letsatsi la Tshipi. Mme re tlaa itumela fa jaanong lona bagoma ba bannye le tlaa dirisanya le rona, ka mosong ono re na le, re simolola, Molaetsa o o mogolo, o o mo tonatona o nna ke tlhomamisitseng gore o tlaa kaya mo go botlhokwa thata kwa go mmaago le rraago, le ba ba ratiwang ba lona ba ba leng fano, le e leng kwa ba bannye ba lona. Jalo he, re o atamela ka masisi thata.

<sup>28</sup> Fa Morena a ratile, mosong ono re tsaya serutwa sa dibeke di le masome a supa tsa ga Daniele. Mme mosong ono re bua ka ga Daniele a le kwa botswharong, mme Gabariele a fofela mo teng go mo laela ka ga isago. Fa Daniele a ne a santse a le mo thapelong, Gabariele, Moengele, ne a tla go mo laela.

Bosigong jono, ke batla go bua ka ga maikaelelo a a garataro a ketelo ya Gagwe, dirutwa di le thataro tse di farologaneng tse di tlaa tlisiwang bosigong jono, kwa Gabariele a tswang gone.

<sup>29</sup> Letsatsi la Tshipi le le latelang, fa Morena a ratile, ke batla go baya lebaka le nako ya Dipaka Tse Supa Tsa Kereke, le nako e di leng ka yone, le kwa re emeng teng gompieno. Moo ke ka moso o latelang wa Letsatsi la Tshipi, Morena fa a ratile.

<sup>30</sup> Jaanong, lebaka la sena. Ke tlile golo fano le mekwalo mengwe e mennye go tswa Melaetseng ya me e le mmalwa ya bofelo. Mme mosong ono ke batla go atolosetsa ka kong, ka gore mona go mo theiping ya makenete e e tlaa yang kwa ko lefatsheng lotlhe, ditšhaba di le dintsi. Mme, ka gale, lebaka le nna ke e atolosang gape, ke ka gore gongwe mongwe o tlaa utlwa theipi lekgetlo la bone la ntlha, mme a ka seka a kgona go tlhaloganyana se ke neng ke se kaya fa nna ke umaka ka sengwe se sele se se leng kwa morago.

<sup>31</sup> Re ntse re le jaanong dikgwedi mo thutong ka ga Buka ya Tshenolo, Tshenolo ya ga Jesu Keresete. Re raletse dipaka tsa kereke. Dikgaolo tse tharo tsa ntlha tsa Tshenolo e ne e le dipaka tsa kereke. Ne ga tloga Johane a phamolelwa godimo mo kgaolong ya bo 4 le bo 5, mme ne a bontshiwa dilo tse—tse di neng di tlaa diragala morago ga fano. Jaanong, mo kgaolong ya bo 6, o fologela ka fa lefatsheng gape, go bona dilo di diragala tse di tlaa simololang go tloga kgaolong ya bo 6, temaneng ya bo 1, go fitlheleng kwa kgaolong ya bo 19 le temana ya bo 21. Teng fano go tsena Dikano, Dipetso, Mahutsana, ditsie, mosa—mosadi mo letsatsing, le go kgoromeletswa ntle ga kgogela e khubidu, go kanelelwa ga ba ba dikete di le lekgolo le masome a le manê le bonê, le dilo tsotlhe tsena.

<sup>32</sup> Ena e ntse e le beke ya thuto e tonatona. Maabane, letsatsi lotlhe, ke ne ka tswa mo kamoreng ka boutsana, ke leka go ithuta. Mme ke sengwe kwa nakong ya bofelo, ba le bantsi ba mabutswapele fano, se ke neng ka se ruta, ke ne fela ka re, “Teng fano ke fa go leng dibeke di le masome a supa tsa ga Daniele,” fela ke ne ka se leke go e tlhasela, go e tlhalosa. Fela nakong ena, ka letlhogonolo la Modimo, ke ikaeletse ka bonna go leka go kopa letlhogonolo la pele ga Modimo, gore ke tle ke o tlise kwa bathong. Mme teng fano nna ke fitlhela dilo tse ke sa itseng sepe ka ga tsone.

<sup>33</sup> Mme, ka ntlha eo, ke—ke ntse ke bala buka ya ga Ngaka Larkin, buka ya ga Ngaka Smith, mekwalo ya ga Ngaka Scofield, ditshwaelo tse di farologaneng go tswa bathong gongwe le gongwe, mme le fa go le jalo ga ke kgone go kokoanya tsa bona ga mmogo go go dira gore go tlhagelele go siame. Lo a bona? Jalo he, beke ena ke dira leano la go, ke neng ke ntse ke etela motlobo wa dibuka kwa Kentucky, ka ga dingwe tsa tepo dinaledi tsa bogologolo tsa dikhalendara le dinako, mme ke tsaya go tswa fa



metlobong ya dibuka, le jalo jalo, dibuka tsotlhe tsa bogologolo tse nka di kgonang, le se sennye se nka se dirang, mme ke na le tshepo ya me ka masisi mo go Jesu Keresete go go ntshenolela.

Ka gore, ga ke batle gore e bue gore, “Ke itse *sena*, ebile ke itse *sele*,” Ena o itse pelo ya me. O ntheeditse. Fela ke a e batla, gore ke tle ke sese matlho a batho ba Gagwe, ke gone ka moo ke dumelang gore O tlaa e nneela. Ga ke itse ka nako e, fela nna ke Mo tshepela Letsatsi la Tshipi le le tlang, ka gore moo e tlaa bo e le karolo e tonatona, Letsatsi la Tshipi le le tlang, go itse le go baya fa lefelong dibeke tseo tse di masome a supa.

<sup>34</sup> Nngwe le nngwe ka nosi e na le lefelo le le farologaneng. Mme fa o dira, o ya go di keleka tsotlhe gotlhelele, di sa utlwale di siame, ga di tlhaloganyege sentle tota. Go ka seka ga dira. Mme, ka moo, nna—nka nna ka se kgone go go bona ka go nepagala, fela ke ile go tshepa Morena ka ntlha ya gone.

<sup>35</sup> Mme ke gakologelwa ka ga Solomone nako nngwe a rapela mme a kopa Morena Modimo fa A tlaa mo naya botlhale, e seng ka ntlha ya gagwe, “e seng go katoloswa ga malatsi, eseng botshelo jo bo leele, eseng khumo,” fela gore a tle a nne le botlhale go itse ka fa a ka—a ka—a ka atlholang batho ba Modimo ka gone. Mme Modimo o ne a tlotla thapelo eo, a bo a naya Solomone botlhale joo, ka gore e ne e le ka ntlha ya batho ba Gagwe. Mme leo ke lebaka le ke kopang Modimo go nteseletsa ke itse se dibeke tsena tse di masome a supa di se kayang, ka gore ke a itse gore ke khalendara e e maleba ya paka e re tshelang mo go yone. Mme, ke gone ka moo, ke batlang go go itse; eseng ka ntlha ya me, nna ke . . . e seng ka ntlha ya me. Jaaka go itsiwe ke batla go go itse. Ga ke go buwe ka tsela eo, “Eseng ka ntlha ya me,” ka gore nna tota ke a e ipatlela. Ke batla go itse, ka gore ke batla go itse kwa re tshelang gone le gore ke nako efe e re tshelang mo go yone. Mme, fong, nna ke a itse gore moo go ne go neilwe.

<sup>36</sup> Mme bangwe ba ba farologaneng ba ne ba go tlhaloganya, mme ba ne ba ntse ba na le yone kgakala kwa morago. Mogoma mongwe, ke ne ke bala, o ne a go tlhalogantse gotlhe go felelela ka 1919, ga dibeke di le masome a supa. Sentle, moo go ne go se jalo.

Jalo he, morago ga dibeke di le masome a supa, morago ga dibeke di le masome a supa, gotlhe go fedile. Jalo he re—ga re . . . Re batla go itse Nnete. Mme ke kopa Modimo go nnaya Nnete.

<sup>37</sup> Jaanong, gore ke tle ke busetse sena morago, ke boele morago, ke batla go boelela mo gonnye ga kwa morago. Jalo he, ka moo, mekwalo mengwe e ke e kwadileng, e re neng re na nayo kwa go ya bo 5, kgaolong ya bo 4 le ya bo 5, gore batho ba tle ba tlhaloganye. Santlha, pele ga re dira sena, ke batla go e tshwaraganya gore lo tle lo tlhaloganye go tloga kwa go ya bo 4 . . .

Jaanong, gakologelwang, kgaolo ya bo 3 e ne e le Paka ya Kereke ya Laodikea, mme Kereke e ne ya tthatlosiwa kwa bokhutlong jwa Laodikea.

<sup>38</sup> Jaanong, ke ne ke leka go tlhalosetsa mosadi wa me sengwe ka ga gone. Ke ne ke na le Becky, morwadiake, le dithanodi tsothe tsa mehuta e e farologaneng le dilo tse re neng re ka di fitlhela. Ga di neye karabo. Ke na le thanodi ya Baebele. Ke na le thanodi ya Segerika sa kgale. Ke—ke na le Websters le di le dintsi tse dingwe, dithanodi tsa segompieno. Ga go epe ya tsone e e neng e kgona go tlhalosa le e leng le . . . go neela mafoko kgotsa karabo, ka tsela epe.

<sup>39</sup> Mosadi wa me ne a re, “O solofela jang gore bagarona, ba e leng batho ba ba humanegileng, ebile ba le bantsi ba bone ba sa rutega jaaka re ntse, ba tlhaloganye se se jaaka seo?”

Ke ne ka re, “Modimo o tlaa neela karabo.”

<sup>40</sup> Go sa kgathalesege ka fa go nang le dithatafatsi ka gone, Modimo o kgona go go nathoganya mme a go dire go nne motlhofo. Gonne re bontlha . . . bontlhabongwe jwa batho bao ba ba eletsang thata, ba rapelela motlha oo le oura eo. Mme matlho a rona lebile ntlheng ya Legodimo, mme re solofetse go Tla ga Gagwe. Mme ke tlhomamisitse fela gore Ena o tlaa re supegetsa. Jaanong, ga e tle go re bolelela letsatsi kgotsa oura, ka gore ga go motho yo o tlaa itseng seo, fela e le ruri go tlaa re bolelela letsatsi la beke le re tshelang mo go lone, fa fela re ka e fitlhela.

<sup>41</sup> Jaanong, mo kgaolong ya bo 4, Johane o ne a phamolwa ka bonako, morago ga Kereke. Johane, a ya kwa godimo, o ne a bona paka ya Kereke e e feletseng. Foo ke fa ke batlang go ema, fela motsotswana, go bua, gore: batho ba le bantsi ba ba solofetseng selo sengwe se se tona, se se boitshegang, se se nonofileng go diragala, mo pakeng ya Baditšhaba, go tlhomame ba phoso. Paka ya Kereke, le gotlhe mo go tlaa diragalang ka nako ya puso ya Baditšhaba, go gatisitswe go tloga mo go Tshenolo 1 go ya go Tshenolo 3, go akaretsa tsothe. Fong Kereke e ne ya phamolwa mme ya iswiwa kwa godimo, mme mo go setseng ga ena, go ya kwa kgaolong ya bo 19, ke se se diragalelang letso la Bajuta, morago ga Kereke e sena go ya kwa godimo. Mme ke nako ya Pitlagano e tona, ga go sepe se se tlaa diragalang fa gare ga Baditšhaba; fa e se kganyaolo, le jalo jalo, jaaka re tlaa fitlha kwa go seo mme re bone.

<sup>42</sup> Fela Kereke, ka Boyone, e ile mo go ya bo 13 . . . Mo temaneng ya bofelo ya kgaolo ya bo 3 ya ga Tshenolo, fa Paka ya Kereke ya Laodikea e khutla, e e neng e le ya bofelo.

<sup>43</sup> Mme re ne ra tsaya paka nngwe le nngwe ya kereke, nako nngwe le nngwe, sengwe le sengwe se se diragetseng, naledi nngwe le nngwe, morongwa mongwe le mongwe, tlhologo ya bone, se ba se dirileng, mme ra go tliša gone fa tlase ka ditso go fitlhela kwa go yone ya bofelo, ra di taka gone foo mo

setshwantshong, mo lethlakoreng la lomota. Mme erile re feditse, Mowa o o Boitshepo ne wa tsena mme wa dira kgolokwe ya selo se se tshwanang mo lomoteng, mme wa go senola ka Boone gone fano fa go rona rotlhe.

44 Jaanong, ka go dira sena, ke a tshepa, kwa bokhutlong jwa sena Ena o tlaa tla ka sengwe se se boitshegang mme a re supegetse gape gore re kwa nakong ya bokhutlo.

45 Ke ba le kae ba lona ba ba utlwileng ya ga Kennedy . . . Puo ya ga Tautona Kennedy, ditshwaelo le jalo jalo? Ke ba le kae ba ba utlwileng polelelopele ena, gore ka Ferikgong 1, go boleletswe pele gore tsoopedi United States le Rashia di tlaa bo di le molora wa sekgwamolelo? Moo ke gotlhe mo re go tlhokang. Go thari go feta go na le ka fa re akanyang ka gone. Lo a bona? Jalo he, fa re le gauifi thata go fitlhela le e leng banna ba lefatshe lena ba bolelela pele selo sena se se boitshegang go diragala, go botoka re nneng podi matseba, sengwe le sengwe se tlisitswe fa nakong, maipobolo otlhe a dirilwe, sengwe le sengwe se baakantswe, ka gore ga re itse fela gore ke nako efe e Morena wa rona a ileng go re bitsa. Mme fa A re neela pitso, "Tlhatlogela kwano," go botoka re bo re itlhwatlhwaeditse. Mme go ile go tla ka oura e lo sa e akanyeng ka yone.

46 Tsosoloso e tona ya Pentekoste e a khutla jaanong. Re e bona gongwe le gongwe, kgato e tona ya bofelo. Molaetsa o ile kong. Sengwe le sengwe se baakantswe jaanong, se letile. Kereke e kaneletswe. Ba ba boikepo ba dira mo go boikepo go gaisa. Dikereke di fetoga go nna sekereke go feta. Baitshepi ba tla gauifi le Modimo go feta. Dineo tsa Mowa di simolola go oketsega mo ditlhopheng tse dinnye. Re kwa nakong ya bokhutlo. Ao, ke rata pina ele e re neng re tlwaetse go e opela mo kerekeng.

Ke letetse go tla ga Letsatsi leo la boipelo la Mileniamo,  
 Motlhang Morena wa rona yo o sego a tla tlang  
 mme a phamole Monyadiwa wa Gagwe yo o letileng;  
 Ao, pelo ya me e a lela, e nyoretswe letsatsi leo  
 la kgololo e e botshe,  
 Motlhang Mmoloki wa rona a tla boelang mo lefatsheng gape.

47 Re letetse oura eo! Jaanong, mo kgaolong ya bo 5 le ditemaneng tsa bo 5, re fitlhela, mo thutong ya rona e e fetileng, gore re buile ka ga Morekolodi yoo wa Losika, yo re neng ra fitlhela gore ne e le Keresete. Re ne ra go tshwantshwanya le Rute: Rute a tsaya tshweetso; Rute a direla; Rute a itapolosa. Go tsaya tshweetso, e ne e le tshiamiso; go direla, a itlhwatlhwaetsa, boitshepiso; go itapolosa, e ne e le ka Mowa o o Boitshepo, go fitlheleng Selalelo sa Lenyalo se tla. Ka fa go leng gontle!

48 Kereke ne ya tla ka Johane Wesele, tshiamiso; kgotsa... Martin Luther, tshiamiso; ka Johane Wesele, boitshepo; ka Pentekoste, kolobetso ya Mowa o o Boitshepo; mme jaanong, e ikhuditse, e letetse go Tla ga Morena wa Yone. Ka boitekanelo!

49 Morekolodi wa rona wa Losika, bagolwane ba ne ba nepile fa ba ne ba Mmitsa Kwana, e ne e le gaufi le go nna Tau, e le moatlhodi. O ne a le Kwana, lo a itse, ka Buka e e kaneletsweng ga supa. Fa Buka e ne e tsewa, tiro ya botsereganyi e ne e weditsewe.

50 Jaanong, mo kgaolong ya bo 3, Kereke e ne e ile kwa godimo, fela jaanong thekololo e tshwanetse e senolwe, ka fa Kereke e neng ya rekolola—rekololwa ka gone, tshenolo ya se se diragetseng ka nako ya paka ya Kereke. Lo a bona, Kereke e ile, jalo he Ena o supegetsa jaanong, mo kgaolong ya bo 5, ka fa A go dirileng ka teng, se se diragetseng, ka fa A kaneletsweng Kereke ka gone. Tshenolo ya Leina la Gagwe; kolobetso ya metsi, go dirisa Leina la Gagwe; Botshelo jwa Bosakhutleng; ga go bopipo jwa Bosakhutleng; peo ya noga; tshireletsego ya Bosakhutleng; dithuto tsoitlhe tse dikgolo tsa kereke, tlhomamisetso pele, ya Kereke, e e neng ya senolelwa Kereke. Ena o bontsha ka fa A go dirileng ka gone.

51 Jaanong, Wa-Losika la rona o newa Buka e e kaneletsweng ga supa ya Thekololo go tswa kwa go Mong wa yone wa kwa tshimologong. Amen! Mong wa yone wa kwa tshimologong, re a fitlhela, gore e ne e le Mang? Modimo ka Sebele. “Mme Kwana ne ya tla ya bo e tsaya Buka go tswa mo seatleng se segolo sa Ena yo neng a dutse mo Sedulong sa bogosi.” Kwana e ne e le Mang? Morekolodi, Morekolodi wa rona wa Losika, wa Losika Kereke, Yo o tlileng mme a rekolola Iseraele.

52 Jaanong re ile go tsena ka mo go seo mosong ono. Iseraele e ne ya rekololwa, fela go ne go sa diriswa mo go bone, ka gore ba ne ba Mo ganne. Fela, Kereke e ne ya amogela thekololo ya yone, mme Ena ke Morekolodi wa rona wa Losika. Jaaka Boase a ne a tshwanela go rekolola Naomi, gore a kgone go tsaya Rute, Momoabe, motswakwa, Moditšhaba; Keresete o rekolotse Iseraele jalo, a dirisa thekololo, a bo a ganwa.

53 Lo gakologelwa boitshwarelo, gore monna ne a fulwa, e dinako dingwe ke e bolelang? Ka nako ya ntwa ya maraganateng, fa... O ne a le monna yo o molemo. O ne a se na molato, mme ba ne ba mmona molato. Le fa go le jalo, o ne a le molato ka tsela nngwe, gore o ne a siile ka nako ya tlhabano. Mme ba ne ba mmona molato ebile ne ba ile go mo fula. Mme monna mongwe ne a ya kwa go Tautona Lincoln a bo a re, “Rrê Lincoln, monna yona ke Mokeresete. O ne a tshogile. Mosimane yo, ke itse bagagabo. O ne fela a tshogile. O ne a sa ikaelela bosula bope. O ne a sia.” Ne a re, “Rrê Lincoln, go mo diatleng tsa gago. Ke wena o le esi yo o ka mo itshwarelang.”

Rrê Lincoln ne a tsaya karolwana ya pampiri le pene ya gagwe, mme a saena, "Itshwaretse," *Sebane-bane* yona. "Abraham Lincoln."

O ne a tabogela morago kwa kgolegelong, mme o ne a re, "Gone ke mona. Ke tshotse boitshwarelo jwa gagwe."

<sup>54</sup> Mme monna yo ne a re, "Ke gana go e leba. E ne e tlaa nna le sekano se se tona mo go yone. E ne e tlaa nna sengwe le sengwe. O leka fela go ntira sengwe sa go tshagiwa. Ga se Abraham Lincoln. Mongwe le mongwe a ka kgona go saena leina la gagwe. Fela e ne e tlaa tshwanela go kwala ka sekano sa gagwe, le jalo jalo, fa e tswa kwa go ene." Mme monna yo ne a mo tlholeletsa go dumela; le fa monna yo neng a le kwa kgolegelong a ne a akanya gore o ne a tshameka, mme ne a tsamaya fela.

Moso o o latelang, o ne a fulwa. Mme ne ga tloga morago a sena go fulwa, ne ga tloga ga nna le tshhekiso ya kgotlatshekelo ya setšhaba, ka gore Abraham Lincoln, dioura di le masome a mabedi le bonê pele ga monna yo a ne a fulwa, ne a saena leina la gagwe gore monna yo o ne a itshwaretse. Mme fong goromente e ne ya mo fula, le fa go le jalo. Fong ga tweng? Fong kgotlatshekelo ya setšhaba ya United States, ne ya re, ne ya goroga kwa tshwetsong ena ya dikgotla tshkelo tsa Setšhaba, ne ya re, "Boitshwarelo ga se boitshwarelo ntleng ga le ga bo amogetswe e le boitshwarelo."

<sup>55</sup> Mme Jesu ne a rekolola Iseraele kwa Khalefari. Fela e ne e se boitshwarelo kwa go bone, ka gore ba ne ba sa bo amogela e le boitshwarelo. Fela, mo thutong ya rona jaanong mo dibekeng tse di masome a supa, re fitlhela gore ba ne ba boa mme ba amogela boitshwarelo jwa bone. Fela, O ne a rekolola Kereke, ka ntlha eo re itshwaretse ka gore re amogetse Madi a ga Jesu Keresete jaaka boitshwarelo jwa rona.

<sup>56</sup> Jaanong, re fitlhela gore O ne a le Morekolodi wa rona wa Losika, mme O ne a tsaya Buka mo seatleng sa Mong wa yone wa kwa tshimologong. E ne e le setlankana sa mokwalo wa thuo wa thekololo. Re fitlhetse seo. Lo gakologelwa thuto e? Ke setlankana sa mokwalo wa thuo wa thekololo. Ke setlankana sa tshoboko ya thuo le yone, gore Modimo o ne a tlhoka botshelo mo boemong jwa loso, ko tshimong ya Etene. Fong, Jesu, Ena yo o tshiamo, ne a swa mme a tsaya setlankana sa mokwalo wa thuo, mme ne a nonofa go kanolola Dikano, go senola se se neng se le mo go Tsone; mme a naya boswa, jo bo neng bo le jwa Gagwe, kwa bathong ba Gagwe. Botshelo jo Bosakhutleng, jo A bo jeleng boswa ka go dira seo, O ne a neela Botshelo jo e Leng jwa Gagwe kwa morago, kwa Khalefari, mme a bo kgaoganya mo gare ga rona ka Mowa o o Boitshepo. Amen! Ga go motho (le goka) yo kileng a nonofa go tla le e leng go akanya ka ga lorato lo loo e neng e le lone, se A neng a se dirile!

57 Satane, yo gangwe e neng e le morui ka ntlha ya go wa kwa tshimong, o bofelelwa ebile o latlhelwa ka fa Letšheng la Molelo. Metlha ya gagwe e fedile.

58 Jesu, mo Efangeding, ne a na le maemo a le manê. Re tlhalogantse seo. Morwa Dafita, mojaboswa wa Terone; Morwa Aborahama, kabelo ya bogosing; Morwa motho, mojaboswa wa lefatshe; Morwa Modimo, mojaboswa wa dilo tsotlhe. Kabelo ya bogosing!

59 Mo Kgolaganong e Kgologolo, thuo e ne e sa kgone go e ne e sa kgone go tsholwa boleele jo bo gaisang dingwaga di le masome a le mathano. E ne e ka se sengwe go tloga mo mong wa yone wa kwa tshimologong fa e se dingwa di le masome a le mathano. Mme ka letsatsi la masome a le manê O ne a duela tlhwatlha. Mme ka letsatsi la masome a le mathano, thekololo le thata e e neng e le ya Kereke, e e neng e latlhegile kwa tshimong ya Etene, e ne ya rekololelwa kwa morago, mme ra e romleelwa ka kolobetso ya Mowa o o Boitshepo, ka letsatsi la masome a le mathano.

60 Fong re ne ra tsaya sena, lokwalo lwa momeno. Re ne ra tsaya makwalo a momeno, ka fa lokwalo lena la momeno le neng la fetisetwa kwa seatleng sa Gagwe. Ka fa Jeremia, mo go Jeremia 32:6, ntsalae, Hanameele, a neng a mo tlogelela gore e nne mojaboswa. Mme ba ne ba ya kwa botshwarong. E leng gore, re ya ka mo go seo, le ena, mosong ono: botshwarong. Mme le ne le tshotswe ka mo sejaneng sa mmu; go supegetsa kwa thata ya Modimo, le makwalo a momeno le diphiri tsa Modimo, di itsiweng gone, ka mo pelong. Thulaganyo ya rona ya thekololo, mo go tshwanang e tshotswe ka mo dijaneng tsa mmu, Leina la Jesu le tshenolo.

61 Re fitlhela gore lena le ne le kaneletswe ka Dikano tse Supa, mme Sekano sengwe le sengwe se ne se hapilwe go dikologa. Mme jaaka tshenolo e ne e tswelela, O ne a goga Sekano, mme a bofolole sena a bo a bala se Sekano seo se neng se se bua. A tloge a bofolole se se latelang, lokwalo la momeno, mme a bale se Sekano seo se se buileng. A bofolole se se latelang, a se gogele ntle mme a bone se Sekano seo se se buileng, le se tshenolo e neng e le sone. Moo e ne e le totatota se Dikano tsa rona tse Supa, se re ileng go tsena ka mo go sone mo segautshwaneng, re a tshepa, se tlaa se dirang. Sekano sengwe le sengwe ka bonosi, fa se ntshiwa mo Bukeng, se tlaa phuthololwa, mme moo go tlaa supegetsa totatota se se diragetseng.

62 Re fitlhela gore go na le “supa,” botlhanano mo leanong la thekololo. Botlhanano ke nomore. Mme gona le bosupa ba le tlhano; Dikano tse Supa, Mewa e e Supa, baengele ba le supa, Dinaka di le Supa, le dipaka tse supa tsa kereke. Jalo he, lo a bona, bosupa ba le tlhano ke letlhogonolo. Botlhanano ke letlhogonolo, mme

bosupa ke boitekanelo. Jalo he gone go diragala ka boitekanelo fela totatota, lo a bona. Go siame.

<sup>63</sup> Jaaka, Sekano sengwe le sengwe se se kanololwang mo Lefokong la Modimo, se senolela monna wa paka, paka e re tshelang mo go yone, mowa wa paka e, kereke ya paka. Tshenolo 10, kwa bokhutlong, re fitlhela gore fa Sekano sa bofelo se ne se kanololwa, re fitlhela Moengele a eme ka lenao le lengwe mo lefatsheng, le le lengwe mo lewatleng, ka diatla tsa Gagwe di tsholeleditswe kwa Legodimong, le motshe wa godimo fa godimo ga tlhogo ya Gagwe, a ikana ka Ena yo o tshelang ka bosafeleng, gore nako e fedile, ka nako e ya Sekano sa bofelo. Mme lo leteng go fitlhela re tseno mo Dikanong tseo mme lo boneng kwa Sekano seo se leng gone.

Morago ga lo sena go fitlhela dibeke tse di masome a supa, fong lo bone kwa Dikano di leng gone, “Nako e fedile,” thekololo e fedile, Ena jaanong ke Tau le Moatlhodi. Ke Mmoloki wa gago mosong ono, fela letsatsi lengwe O tlaa nna Moatlhodi wa gago.

<sup>64</sup> Temana ya bo 8 go ya go ya bo 1...ya bo 14 ya kgaolo ya bo 5, e senola nako ya gore Kwana e obamelwe, tsoopedi kwa Legodimong le mo lefatsheng; Buka e e kaneletsweng ga supa, Kwana e e tshwanelwang, Morekolodi wa Losika. Mme go tloga fa temaneng ya bo 8, go ya go ya bo 14, Baengele ba a Mo obamela, bagolwane ba a Mo obamela, Ditshedi di a Mo obamela. Mme Johane o ne a Mo obamela thata jang go fitlhela a ne a re, “Setshedi sengwe le sengwe ko Legodimong, mo lefatsheng, fa tlase ga lefatsho, se ne sa nkuhlwa ke re, ‘Masego, kgalalelo, thata, bothale, maatla a nne go Kwana.’” Nako ya kobamelo ya Kgosi Kwana. Jaanong, Kereke e ile, gakologelwa.

<sup>65</sup> Jaanong a re buleng mo go Daniele, le kgaolo ya bo 9, le ditimana tsa 1 le 3. Mme re tloge re ye go tsaya ya bo 20 go fitlheng go ya bo 27, ka gore mona ke thapelo ya ga Daniele fela. Ke batla gore lo baleng ena gape le gape, go ralala beke, jaanong, go fitlhela lo e tlhaloganya.

*Mo ngwageng wa ntlha wa ga Dario morwa...peo ya Bamede, yo neng a dirwa kgosi mo bogosing jwa Bakaladia;*

*Mo ngwageng wa ntlha wa puso nna Daniele...loganya, ne ka tlhaloganya ka dibuka gore palo ya...dingwaga, tse lefoko la Modimo le le tsileng kwa go Jeremia moporofeti, gore ena o tlaa nna dingwaga di le masome a supa mo go swafatsweng ga Jerusalema.*

Jaanong (mo go latelang) *ke ne ka lebisana sefatlhego sa me kwa tlheng ya Morena Modimo, go senka ka thapelo le mekokotlelo, le go itima dijo, le letsela la kgetse, le molora:*

*...ke ne ka rapela MORENA...Modimo, mme ka dira boipobolo jwa me,...*

66 Mme o a tswelela a bo a tswelile, go fitlhela jaanong re fitlha kwa temaneng ya bo 20. Go boloka nako, batho ba eme, ke batla lo gorogeng kwa go 20, go tsamaya re fitlha kwa tlase kwa go tema—temana ya bo 20.

*Mme erile ke santse ke bua, ebile ke rapela, ebile ke ipolela boleo jwa me le boleo jwa bagaetsho Iseraele, mme ke bega mekokotlelo ya me fa pele ga MORENA Modimo wa me ka ntlha ya thaba e e boitshepo ya Modimo wa me;*

*Ka nako e, erile ke santse ke bua mo thapelong, ebile monna Gabariele, yo ke mmoneng mo ponatshegolong kwa tshimologong, ne a simolola . . . a dirwa gore a foje ka bofejo, ne a nkama go batlile go nna nako ya tshupelo ya maitseboa.*

*Mme o ne a mpolelela, a bo a bua le nna, a re, Ao Daniele, nna jaanong ke tlile kwano go go naya botswerere le tlhaloganyo.*

67 Go ka tweng fa fela re ka bo re ne re le foo! O ne a mo fitlhela jang? Mo thapelong.

Moengele, “monna.” Lo lemogeng, o ne a Mmitsa, “monna.” Mme e leng wa ga . . .

*Mme tshimologo ya mekokotlelo ya me taelo e ne ya tla kong, (mme ya tla kong gore ena a tsamaye), mme nna ke tlile go go supegets; gone wena o ratiwa thata: fa . . . ka moo tlhaloganyanya kgang, mme o akanyetse ponatshegelo.*

*Dibeke di le masome a supa di laoletswe bagaeno le motsemogolo wa gaeno o o boitshepo, kgotsa motsemogolo wa gaeno, go wetsa tlolo, . . . go khutlisa boleo, le go direla boikepeo tetlanyo, le go tliša tshiamo e e sa khutleng, le go kanela ponatshegelo le seporofeto, le go tlotsa Boitshepo jwa maitshupo.*

Lebaka le le garataro la go tla ga Gagwe ke leo. Jaanong lemogang.

*Jaanong, ke gone ka moo, itse ke gone mme o tlhaloganye, (jaanong reetsang) gore go tloga go tsweng ga taelo go šafatsa le go aga Jerusalema go fitlheng kwa go . . . Kgosana Mesia go tla nna dibeke tse di supa, . . . masome a le maratataro le dibeke di le pedi: mme mmila o tla agiwa gape, le dipota, ebile e le mo nakong ya matshwenyego.*

*. . . morago ga dibeke di le masome a le maratataro le bobedi Mesia o tlaa kgaolwa, fela e se ka ntlha ya gagwe: mme batho ba kgosana e e tla tlang—kgosana e e tla tlang. . . senya motsemogolo le felo fa go boitshepo; mme bokhutlo jwa gone bo tla nna ka morwalela, . . .*



*go fitlheleng kwa bokhutlong jwa ntwā ditshwafatso di laotswe.*

*Mme o tla tlhomamisa kgolagano (reetsa) le ba le bantsi ka beke e le nngwe, nngwe ya dibeke tsena tse masome a supa: mme mo bogareng jwa beke e o tla baka gore setlhabelo le . . . tshupelo di khutle, mme ka ntlha ya go anama ga se se ferosang dibete o tla go swafatsa, le e leng go fitlheng kwa bokhutlong, mme seo se se laotsweng se tla tshollelwa mo go se se swafatseng.*

68 Jaanong, thuto ya rona ke eo mo dikopanong tse di latelang di le tharo, nnè, botlhano, le fa e le eng se Morena a tlaa se senolang. “Dibeke di le masome a supa.”

69 Jaanong, ke tlaa kopa Doc, fa a ratile, bosigong jono, go baya boroto ya me foo, gore ke tle ke kgone go e tshwaya. Ga ke batle lo tlhoka go e tlhaloganyana. Jaanong lo tshwanetse lo ithuteng le nna, mme lo ithuteng mo go tseneletseng, kgotsa lo tlaa tlhoka go e tlhaloganyana. Mme ke batla go e taka golo fano mo bolekeborotong, mme ka ntlha eo lo tleng le dipensele le pampiri tsa lona mme lo kwaleng metlha ena, dinako tsena, le gotlhe ka ga gone.

70 Jaanong, dibeke di le masome a supa di simolola (jaanong tlhaloganyang sena) morago ga Kereke e sena go ntshiwa. Jaanong, mongwe le mongwe yo o tlhaloganyang seo, e re, “Amen.” [Phuthego ya re, “Amen.”—Mor.] Jaanong, morago ga Kereke e sena go ntshiwa.

71 Tshenolo 6:1, go ya kwa go Tshenolo 19:21, e amana le dibeke di le masome a supa, ke gone ka moo re tshwanetseng re emeng mme re go tlhalose, pele ga re tswelela pejana. Re tshwanetse re eme re bo re tlhalose gore goreng e le dibeke tsena tse di masome a le supa. Ka gore, fa o sa dire, o tlaa fetwa ke Dikano tseo, o fetwa ke Dinaka tseo, o tlaa fetwa ke Dikurwana tseo, Dipetso tseo, mewa e e maswe eo e meraro e e jaaka digwagwa, Mahutsana a mararo ao, go kgoromeletswa ntle ga kgogela e khubidu, mosadi mo letsatsing. O tlaa fetwa ke tsone tsothle, fa o sa dire, ka gore go diragala gone fa mo bekeng ena ya masome a supa. Ke fa go diragalang gone.

72 Jaanong, moporofeti Daniele o nnile a le kwa Babilone ka dingwaga di le masome a le marataro le boferabobedi. Wena o batlang go tlhotlhomisa metswedi kwa morago, mme o ipolokele nako nngwe, e nna ke neng ka tshwanela go—go go senka. Dingwaga di le masome a le marataro le ferabobedi! O ne a ya kwa botshwarong ka B.C. 606, mme nako e ponatshegelo e tlileng kwa go ene e ne e le—e ne e le B.C. 538. 538 go tloga kwa go 606, go tlogela masome a le marataro le ferabobedi. O nnile a le kwa Babilone dingwa di le masome a le marataro le ferabobedi, fa gare ga baheitane, mme a tswelela a na le phenyoo. Amen. Ga re kgone go nna oura.

<sup>73</sup> Fela o ne a le gone fa bogareng, a se na le ope fa e se bapati ba le bararo, mme bone ba le kwa dikarolong tse di farologaneng tsa puso. Fela, Daniele, a eme a le esi le Modimo, ne a tshola phenyo ka dingwa di le masome a le marataro le ferabobedi. Akanya ka ga gone! Ga ke batle go simolola go rera, ka gore mona go tshwanetse ga bo go le Molaetsa wa go ruta. Fela, dingwaga di le masome a le marataro le boferabobedi, o ne a tshola phenyo mme a sa itshekololwa, mo matlhong a Modimo; kwa ntle ga kolobetso ya Mowa o o Boitshupo, ntleng ga Madi a ga Jesu Keresete go mo letlanyetsa; ka fela madi a dipoo, le dipodi, le meroba, tse a neng a tshwanela go di ntsha ka sephiri, ka lebaka la dingwao tsa baheitane ba lefatshe leo. Ba ne ba isitswe golo koo. Jeremia ne a porofetile ka bone, gore ba ne ba ya golo koo.

<sup>74</sup> Jaanong, Daniele, ijoo, o ne a simolola go bona gore nako e ne e nna gaufi, fela jaaka re ntse gompieno. Daniele ne a simolola go “tlhaloganya,” o ne a re, “ka go balwa ga dibuka.”

*Mme mo ngwageng wa ntlha wa puso ya ga . . .  
Daniele . . . mo pusong nna Daniele ke ne ka tlhaloganya  
ka dibuka palo ya . . . dingwaga, ke gone ka moo . . .  
lefoko la MORENA le ne la tla kwa go moporofeti Jeremia,  
gore go tshwanetse go fele dingwaga di le masome a le  
supa mo . . . go swafatsweng ga Jerusalema.*

<sup>75</sup> Jeremia, ka B.C. 606, ne a porofeta, ka ntlha ya maleo a bone le botlhoka poifoModimo, gore ba ne ba tlaa nna gone dingwaga di le masome a supa.

<sup>76</sup> Lo a gakologelwa, go ne go na le moporofeti yo mongwe yo neng a tla kong mo motlheng oo. Ga ke kgone go bitsa leina la gagwe ka nako e. Nka nna ka kgona go lo gopolela lone mo metso—mo metsotsong e le mmalwa, fa nka lebelela kwa morago nakonyana. Fela o ne a tla mme a re, “Jeremia, wena o phoso. Modimo o ile fela go tshola Iseraele golo koo malatsi a le kana, lebaka la di le kana, go ka nna dingwaga di le pedi.”

<sup>77</sup> Jeremia ne a re, “A go nne jalo. Amen.” O ne a re, “Fela leta motsotso. Mpe wena le nna re tlhotlhomisetsane, jaaka baporofeti.” O ne a re, “Gakologelwa, go nmlle le bao ba ba porofetileng kwa pele ga rona, mme ba ne ba bolela dilo tse di neng di le phoso. Mme Modimo ne a itebagantsha le bona ka ntlha ya go bolela dilo tse di phoso. Jalo he, mpe re tlhomamise. Fela Morena Modimo o mpoleletse gore go na le dingwaga di masome a supa tse di santseng di tla.”

Modimo ne a itaya moporofeti yoo wa maaka, a bo a tsaya botshelo jwa gagwe one ngwaga oo, ka gore Modimo o ne a boleletse moporofeti yona wa nnete gore go ne go na le dingwaga di le masome a supa.

<sup>78</sup> Mme ke batla gore lo lemoge ka fa Daniele, le fa a ne a le motswakwa, lefa a ne a ntshitswe mo morafeng wa gabo, a ntshitswe mo kerekeng ya gagwe, a sena tirelo e le nngwe ya

kereke, a sena kereke epe go ya kwa go yone, a sena difela dipe tse di ka opelwang fa e se se a neng a se opela ka boene, mo gare ga tsena tsotlhe, ne a santse a tshwareletse mo go se moporofeti yoo a se buileng. Amen! Amen!

<sup>79</sup> Go se kereke epe go ya kwa go yone, go se ope go abalana le ene; mongwe le mongwe a ya kwa ditempeleng tsa boheitane, mongwe le mongwe a obamela medimo ya bone ya diseto. Go sena dipina tsa Sekeresete; go se ope yo o neng a dumela selo se se tshwanang le se a neng a se dira. Mme ka dingwaga di le masome a le maratara le boferabobedi, esale a le lekau a godile go batlile a le dingwaga di le lesome le bobedi, lesome le bonê, fa a ne a isiwaga golo koo, o ne a tswela a tshwareletse a le boammaaruri mo go Modimo; mme ne a tlhaloganya ka moporofeti Jeremia gore malatsi a ne a batlile a feditswe.

Ka fa seo se tlaa tlhagisang pelo ya moporofeti mongwe le mongwe wa nnete wa Modimo gompino, gore re lebeng kwa morago mme re boneng se moporofeti yona wa nnete a se buileng, mme re itseng gore re kwa nakong ya bokhutlo.

<sup>80</sup> O ne a re, “Ke tlhalogantse ka dibuka tsa ga Jeremia, mokaulengwe wa me, dingwaga di le dintsi, ntsi tse di fetileng, ne a porofetile gore Iseraele e tlaa nna golo kwano dingwaga di le masome a supa. Mme nako eo e gaufi le go diragadiwa.” Mme o ne a ipaakanya. Mme o ne a bitsa go ikitsa dijo, a bo a iitshepisa, mme erile. . . molora le letsela la kgetse, mme a go baya mo tlhogong ya gagwe, a bo a ya go itima dijo le go rapela, go tlhaloganya ka ga se motlha o ba neng ba tshela mo go one o neng o le sone.

<sup>81</sup> Mme fa Daniele, moporofeti wa Morena, a ne a kgona go batla kgakololo mo dibukeng tsa ga Jeremia, mme di mo tlise mo lefelong le le jalo; gore le e leng Iseraele e neng e huduga, botlhe ba bone ba tshela, ba ne ba tswa mo Babilone, go boela morago kwa lefatsheng la gabone, go ne go tlaa mmaka a itime dijo ka letsela la kgetse le molora. Ke go feta mo go kae mo go tshwanetseng go go dira mo Kerekeng ya Modimo yo o tshelang, go itse nako e nyelela ka bonya ebiel ga e sa tlhola e tla nna teng; le go Tla ga Morena Jesu Keresete, le Mieniamo o montlente o le gaufi le go simolola! Re ka tshela jang ka nako e e senang nyaafalo, re betšha, re šapa mo khuting ka Matsatsi a Tshipi, re se na nako ya Morena? Re tabogele fela golo. . . Fa modisa phuthego a bua ka sengwe se sele se o sa se rateng, o a ema o bo o tswela ntle. Mme fa kere—fa kereke e tsena lobaka lo lo leele, goreng, wena—wena, wena o—wena ga o kgotsofale. Leba seemo sa rona. Leba se re se dirang.

Tshwantshanya matshelo a rona le a moporofeti yole. Monna a le mongwe, mo bogosing jo bo feletseng, a sena kereke go ya kwa go yone, le ope gope go sele go ya kwa go ene. O ne wa thubiwa wa bo wa fisiwa; motsemogolo wa gagwe,

batho ba gagabo ba ne ba le botshwarong. Dingwaga di le masome a le marataro le boferabobedi! Masome a le marataro le boferabobedi, masome a le marataro le boferabongwe, masome a supa; o ne a na le dingwaga di le pedi tse di setseng. Jalo he fa a ne a simolola go bala mo bukeng mme a bona gore nako e ne e tla gaufi thata go diragala, go diragatswa, o ne a ya kwa go Modimo ka thapelo, go itse ka ga gone.

<sup>82</sup> A nako e! Ke eng se re se dirang? Fa, “Ditšhaba di thubega; lewatle le rora; pelo ya batho e palelwa ka ntlha ya poifo; dinako tse di tlaletsweng.” Dilo tsotlhe tsena, mokwalo o mo lomoteng. Go senyega ga lotso; mehuta yotlhe ya bomaswe e diragala mo lefatsheng; le ditlhatlharuane, le dintwa, le dingangisano. Mme dibetsa di kaletse mo dikaratšheng, setšhaba seo se sennye sa bogolo jwa Cuba fa tlase fano se ka senya lefatshe ka metsotso e le lesome. Mme bona ba tlhatlharuana mongwe le yo mongwe, batho ba ba senang poifo Modimo ba ba sa itseng Modimo ebile ba sa itse thata ya Gagwe.

Mme Mowa o o Boitshepo mo Kerekeng, o tsamaya mo gare ga Baitshenkedwi, o Itshupege o tshela morago ga dingwaga di le dikete tse pedi, gore Ena o tshwana maabane, gompiano, le ka bosaeang kae. Re ka nna re tshwakgafetse jang? Re ka siana jang mo bogodimo ga gone fela? Ke nako e re tlhotlhomisang, re lebeletse oura eo e tona e atamela.

<sup>83</sup> Jaanong, o ne a bala mo go Jeremia, kgaolo ya bo 25. A re buleng mo go Jeremia, kgaolo ya bo 25, mme re baleng se Jeremia as a neng a tshwanela go se bua. Totatota, mpe re simololeng fa temaneng ya bo 8, ka gore yone ke . . . ke batla lo tlhomamiseng gore lo a go tlhaloganya. Temana ya bo 11 ke kwa ke kwadileng golo fano gore ke bale, fela mpeng re simololeng fa temaneng ya bo 8.

*Ke gone ka moo MORENA wa masomosomo a buang jaana; . . .*

Nna ke rata fela moo. Fa nka utlwa moporofeti a ema ka MORENA MODIMO O BUA JAANA, mokaulengwe, moo ke gone. Mo go nna, moo go a go wetsa. Moo ke gotlhe ga gone.

*. . . MORENA wa masomosomo o bua jaana; Gobane ga lo a utlwa mafoko a me,*

*Bonang, Ke tlaa romela mme ke tseye malwapa otlhe a kwa bokone, go bua MORENA, le Nebukatenesare kgosi ya Babilone, motlhanka wa me, mme ke tlaa ba busa gape. . . kगतलhanong le lefatshe lena, le kगतलhanong le baagi ba lone, le kगतलhanong le ditšhaba tsotlhe tse di leng fa tikologong, mme ke tlaa di senyetsa ruri, . . .*

Gakologelwa, bao ba ne ba le baitshenkedwi ba Modimo ba A buang ka ga bone. Bao e ne e se badumologi. Bao e ne e le maloko a kereke.

*Mo godimo ga moo Ke tlaa tlosa mo go bona lentswe la mokete, . . . lentswe la boipelo, (fela jaaka re na le gone gompieno, mmino wa go theekedisa lotheka otlhe, Riki le Elvis,) le, ao, lentswe la monyadi, . . . lentswe la nonyane . . . kgotsa, monyadiwa, ke raya moo, modumo wa tshilo, . . . lesedi la lobone.*

*Mme lefatshe lotlhe lena le tlaa swafala, . . .*

Utlwang moporofeti yoo a goa, “Lefatshe lotlhe lena le tla swafala!” Mme e seng go etsisa motlhanka yo mogolo yona wa Modimo, fela ke a porofeta gore setšhaba sotlhe sena se tla swafala. Modimo o tla otlhaya setšhaba sena ka ntlha ya maleo a sone. Fa Modimo a ne a sa tle go letlelela Iseraele, baitshenkedwi ba Gagwe, Peo ya ga Aborahama, ba A dirileng kgoaganano le tsholofetso le bone, fa A sa tle go ba leseletsa ba falole ka go dira bosula; le fa ba ne ba le ba ba bodumedi go fitlhelela moding, ba na le dikereke tse di ntle, le baperesiti, le borabi; fela ka ntlha ya maitsholo a a maswe le dilo mo gare ga bone, mme Modimo ne a dira gore ba robe se ba se jwetseng, le rone re tlaa go bona jalo. Temana ya bo 11:

*. . . lefatshe lotlhe lena le tla fetoga go nna le le swafetseng, mme . . . kgakgamalo; . . .*

Ke gore, mongwe le mongwe a lebe fela mme a re, “Bona ke bao. Ba ne ba le batona thata. Ba lebeng jaanong.”

*. . . mme ditšhaba tsena di tla direla kgosi ya Babilone dingwaga di le masome a supa.*

Moo ke botshelo jotlhe. Moo ke nako e mmaago yo o godileng, yo o sego a neng a le losea. Ba ne ba le koo ntle le Modimo, ntle le kereke, ntle le pina, ntle le sepe, kokomana yotlhe, go fitlhela kokomana eo e e leofang e ne e sule yotlhe.

*Mme go tla diragala, mogang dingwaga di le masome a le supa di sena go feta, gore Ke tlaa otlhaya kgosi ya Babilone, le setšhaba seo, go bua MORENA, ka ntlha ya boikepo jwa bone, le lefatshe la Bakaladia, mme ke tlaa le dira le nne le le swafetseng ka metlha yotlhe.*

*Mme ke tlaa tlisa mo lefatsheng leo mafoko otlhe a me a ke a boletseng kgatthanong le lone, le e leng tsotlhe tse di kwadilweng mo bukeng e, se Jeremia a se porofetileng kgatthanong le setšhaba sotlhe.*

*Gonne ditšhaba di le dintsi le dikgosi di le dintsi di tla iti—itirela ka bone le tsone: mme Ke tlaa busolosa . . . go ya ka ditiro tsa bone, le go ya ka mafoko a bona a diatla tsa bona.*

*Gonne MORENA Modimo wa Iseraele o nthaya a re; Tsaya senwelo sa moweine wa tšhakgalo ya seatla sa me, mme o bake gore ditšhaba tsotlhe, tse ke tlaa go romelang kwa go tsone, gore ba o nwe.*

Ka mafoko a mangwe, “Jeremia, ke go naya molaetsa o. O seka wa nna o tuuletse. O seka wa nna mo lefelong le le lengwe, fela porofetela ditšhaba tsotlhe.” A lo a go tlhaloganya? [Phuthego ya re, “Amen.”—Mor.] “Porofetela setšhaba sotlhe. Bontsha ditshupo le dikgakgamatso tsa Me, mme o ba dire ba itse gore Ke tla go dira sena.”

*Mme ba tla nwa, mme ba amege, mme ba tsenwe, ka ntlha ya lefoko le Ke tlaa le romelang mo gare ga bone.*

<sup>84</sup> Ba dira eng gone mo motlheng ono? Ba go bitsa mopo—moporofeti wa maaka, ba go bitse mongwe—mongwe yo o tsenyang mo dipharagobeng, ba go bitse segogo—segogotlo, sedupe, kgotsa molori wa ditiro, kgotsa mohuta mongwe wa mmadi wa tlhaloganyo. “Ba tlaa tsenwa!” Mme lefoko *tsenwa*, fa o le tlhalosa, le raya “peka.” “Bona totatota ba tlaa peka, mme ba re, ‘Ah, lo se tseyeng sebidikami seo se se boitshepo tsia, ditlontlokwane tseo,’ ka ntlha ya Lefoko le Ke tlaa le romelang mo gare ga bone.”

<sup>85</sup> Lo bona ditso di ipoeletsa? Jeremia o ne a sa tle go dumalana le Bafarasai ba bona, Basadukai, Baherodia, le fa e le eng se ba ka nnang sone. Ena, o ne fela a ntsha Lefoko, mme Le ne la ba dira gore botlhe ba mo šhakgalele. Eng? Jaanong lemogang.

*Mme foo ke ne ka tsaya senwelo se se fa seatleng sa MORENA, mme ka dira ditšhaba tsotlhe gore ba o nwe, . . .*

Jeremia ga a ka a nna kwa gae. Jeremia ga a a ka a nna fela fa lefelonyaneng le le lengwe, fela o ne a dira ditšhaba tsotlhe gore di se nwe.

*. . . ko go ba MORENA a nthometseng:*

<sup>86</sup> Jeremia ne a tsaya Lefoko la Morena, moweine wa Lefoko la Gagwe. Mme moweine ke thata ya Lefoko la Gagwe. Moweine o na le thata. Moweine ke tagi. Moweine o na le thata mo morago ga one. “Mme ke ne ka tsaya Lefoko la Morena,” ne ga bua Jeremia, “mme ka Le bonatsha. Moweine, thata e e mo go Lone, ke ne ka le diragatsa mo matlhong a bone, fela ba ne ba se rate go Le utlwa.”

Modimo ne a re, “Ka ntlha eo Ke tlaa ba romela ka kwa Babilone dingwaga di le masome a supa.” Moo ke fela se A se dirilengi. Basiami le basiamologi ba ne ba ya, go tshwana.

<sup>87</sup> Jaanong, morago kwa thutong e. Daniele o ne a ntse a bala. Akanya fela, Daniele ne a bala Mafoko a a tshwanang a re a balang mosong ono. Daniele ne a bala Baebele e e tshwanang, matshwao a mokwalo a a tshwanang, diele tse di tshwanang, dilo tse di tshwanang tse nna, ka thuso ya Modimo, ke tlaa lo di balelang mo Melaetseng e mmalwa e e latelang, selo se se tshwanang, go lo supegetsa gore re kwa nakong ya bokhutlo.

Mme Daniele, a neng a tsaya Lefoko mo go Jeremia, o ya ka ko Babilone. Mme o ne a le moporofeti yo o tloditsweng. Mme o ne a diragatsa metlholo, ditshupo, ne a kgona go phutholola

diteme tse di sa itsiweng, mme a dira ditshupo le dikgakgamatso mo gare ga bona. Ntswa go le jalo, a ne a eme a le esi, ka boene! Amen! O ne a eme a le esi.

<sup>88</sup> Fela Jeremia ne a kwadile Mafoko a, dingwaga di le ntsi, ntsi pele. Mme Daniele, a ne a phutholola Lefoko, ne a bona . . . “E re, jaanong leta motsotso. Re tla gaufi le nako ya bokhutlo, gonne ke setse ke nnile fano dingwaga tse di masome a le marataro le boferabobedi. Mme moporofeti wa Morena,” amen, “mokaulengwe wa me, moporofeti wa nnete wa Modimo yo neng a inetefatsa go bo e le moporofeti, ne a re porofetela. Ke na le gone go kwadilwe fano mo bukeng, mo go tulweng, ‘Dingwaga di le masome a supa di tlaa feta.’ Ao Morena Modimo, re atamela bokhutlo. Kokomana yotlhe eo e sule. O tlaa dira eng jaanong, Morena? O solofeditse go re romela . . .” Mme o ne a itlhome mo tolamong, go rapela.

<sup>89</sup> Ao Modimo, fa le ka nako nngwe go ne go na le nako e re tshwanetseng go bo re itlhome mo tolamong, go rapela, ke jaanong. Gonne, rona jaaka motlhanka wa Gagwe wa nnete, re a bona, ka Makwalo a moapostolo, ka ditlhagiso tsa Mowa o o Boitshepo, gore re mo motlheng wa bofelo. Mowa o o Boitshepo o a Go bua. “Mo metlheng ya bofelo, batho ba tlaa nna kgopo, ba ba ikgogomolang, ba ba ratang dikgatlhego go na le Modimo, ba ba sa itshwareleng, ba ba latofatsang, ba ba sa itshwareng, ebile ba sa rate sepe se se molemo.” Ke tlhaloganya ka Lokwalo.

<sup>90</sup> Mme ke tlhaloganya gore go tlaa tla basotli, mo motlheng wa bofelo. Ke tlhaloganya gore go tlaa nna le setšhaba kgatllhanong le setšhaba, mo motlheng wa bofelo. Ke tlhaloganya gore go tlaa nna le makhubu a bakwang ke koketsego ya metsi a lewatle, mo motlheng wa bofelo. Ke tlhaloganya gore go tlaa nna le dipono tse di boifisang, jaaka disosara tse di fofang, mo lefaufaug, dipono tsa masaitseweng, mme dipelo tsa batho di tlaa koafala ka ntlha ya poifo. Go tlaa nna le kakabalo ya nako, le tlalelo mo gare ga batho. Ke bala gore botlhe ba tlaa tsena mo makgotleng le makokong, mme ba nne le bokopano, mo motlheng a bofelo. Ke tlhaloganya gore basadi ba tlaa poma moriri wa bona mo motlheng wa bofelo. Ke tlhaloganya gore ba tlaa apara diaparo tse dikhutshwane, mme ba tsamaye ka ditlhako tsa direthe tse di kwa godimo, ba tsirinya mefiri ya maoto fa ba tsamaya, mo motlheng wa bofelo. Ke a tlhaloganya gore boitshepi bo tlaa bo bo le kwa tlase thata mo motlheng wa bofelo. Ke tlhaloganya gore bareri ba tlaa bo ba le badisa ba maaka mo motlheng wa bofelo, gore ba tlaa tsenya mo dipharagobeng, ebile ba ka se fepe batho Lefoko la Modimo, fela ba tlaa latela ditumelo tsa kereke le dilo, mo boemong joo. Fela ke tlhaloganya gore go tlaa nna le Lentswe le le tlang mo metlheng ya bofelo, le goa go tswa kwa bogareng ga naga, le bitsa batho gore ba boe kwa Molaetseng wa kwa tshimologong, morago kwa dilong tsa Modimo. Ke a tlhaloganya, ka Buka, dilo tseo di tlaa diragala.

<sup>91</sup> Ke a tlhaloganya gore mo metlheng ya bofelo go tlaa tla le leuba. Dikereke di tlaa bo di rulagantswe thata, ebile di tlhomegile thata mo sengweng le sengwe, gore mo metlheng ya bofelo go tlaa tla leuba, mme e tla bo e se la senkgwe le metsi fela, fela la go utlwa Lefoko la nnete la Modimo. Mme batho ba tlaa tsamaya go tloga kwa botlhaba, go tloga kwa bophirima, go tloga kwa bokone, le borwa, ba senka go utlwa Lefoko la nnete la Modimo. Fela dikereke di tlaa bo di rulagantswe thata ebile di gagamaditswe, gore di tlaa palelwa go Le utlwa. Ke tlhaloganya seo ka Dibuka. Fela, mo motlhengoo, Ao Modimo, go tlaa nna le Kala e e tlhatlogang e tswa mo go Dafita.

<sup>92</sup> Ke a tlhaloganya gore O tlaa romela Elia pele ga motlha oo o tla kwa bokhutlong jwa nako, mme o tlaa nna le Molaetsa o o tlaa sokololelang dipelo tsa bana morago kwa go borra, a di sokollela morago kwa go sa kwa tshimologong, ba boele morago gape kwa bokhutlong, mme ba simolole. Ke a tlhaloganya seo se tlaa diragala fela pele ga Mowa o tlogela kereke ya Baditšhaba, go boela kwa Bajuteng.

<sup>93</sup> Mme ga ke tlhaloganye fela ka Lokwalo. Ke dira ka Lefoko, ka Lefoko le le kwadilweng, gore Iseraele e tlaa boela kwa legaeng la gagabo; mme ke e bona e tsena.

<sup>94</sup> Ke tlhaloganya ka Makwalo, a baporofeti, gore Iseraele e tlaa fetoga go nna setšhaba. Ba tlaa tlhoma kobamelo ya mo tempeleng seša. Modimo o tlaa ya go bereka ka yone gape fa e tla kwa legaeng la gagabo. Ao! Baporofeti ba babedi ba tlaa tsoga mo metheng ya bofelo, le bone. Ke tlhaloganya seo. Fela jaaka Kereke ya Baditšhaba e tswela ntle, baporofeti ba babedi ba tlaa goroga, Elisha le Moshe, kwa Iseraele. Re tlaa go bona jaaka re feta.

<sup>95</sup> Moporofeti ne a bona gore nako e ne e setse e fedile golo foo mo Babilone. Go siame.

<sup>96</sup> Gabariele o bonala, go senola e seng fela se a neng akopa ka ga sona, fela go mmolelela tsela yotlhe go fitlha bofelong se se neng se laoletswa letso la Bajuta, tsela yotlhe go ya kwa bofelelong. Amen! O ne a kopa go le gonnyenyane, mme a amogela selo se se feletseng. O ne a a kopa fela go itse . . .

<sup>97</sup> Daniele ne a leka go batlisisa, “Ke bolelele jo bokae go feta, Morena, jo go tlaa nnang jone jaanong? Jeremia moporofeti, motlhanka wa Gago, mokaulengwe wa me, o porofetile dingwaga tse di masome a le marataro le boferabobedi tse di fetileng, mme ne a re, ‘go na le dingwaga di le masome a supa tse batho ba ba tla di nnang teng fano.’ Kokomana yotlhe ya kgale ka tsela e e bonagalang e ile jaanong.”

<sup>98</sup> Go na le kokomana ya kgale ya pentekoste e e tlhageletseng, dingwaga di le masome a le manê tse di fetileng. “Batlhabani ba kgale,” ba ne ba bidiwa jalo. Ba ne ba rulaganya, mme ba lapa, ba tlhatlharuana, tsela yotlhe go fologa go ralala Thaba ya



Horebe le Nebo, gotlhe go ralala foo. Fela, kgabagare, re kwa nokeng jaanong. O ile go tsosa e ntšha, le Joshua mongwe go ba tloagantsha. Molao o paletswe; Moshe o ne a tsamaya le one; Moshe o paletswe. Joshua ne a ba tloagantsha. Re fitlhela gore makgotla a paletswe, fela Mowa wa Modimo. . . Joshua, lefoko *Joshua*, le raya “Jesu Mmoloki wa rona.” Gore, Mowa o o Boitshepo o tlaa tla ka mo Kerekeng. E seng lekgotla, fela Mowa o o Boitshepo o tlaa tsena mo gare ba batho mme o E dire gore e nanoge, e kgabaganye Jorotane. Ke tlhaloganya ka go bala Buka gore moo ke se se tshwanetseng go diragala. Mme Modimo o a itse gore seo ke se ke se senkang jaanong, gore ke tle ke kgothatse batho ba Gagwe le gore ke ba bolelele se se leng gaufi, boobabedi fano mosong ono, le kwa ntle go ralala mafatshe kwa ditheipi tsena di tlaa yang gone, lefatshe ka bophara, gore re kwa nakong ya bokhutlo.

<sup>99</sup> O ne a senola tsela yotlhe go fitlheng kwa Bogosi bo neng bo busitswe ka botlalo mme Mileniamo o tlhomegile. Oo e ne e le molaetsa wa ga Gabariele. O ne a re, “Ke tlile go go bolelela gore go na le dingwaga di le masome a supa, dibeke di le masome a supa, tse di tlang, tse di laoletsweng bagaeno, tse di laoletsweng go fitlha kwa bokhutlong jwa kokomana ya Bajuta. Go na le dibeke di le masome a supa.” Jaanong elang tlhoko se A se buileng. Gore jaanong, go tloga mo go tsweng gore go šafatswe. . .

*Dibeke tse masome a supa di laoletsweng bagaeno le wa gaeno. . . motsemogolo, . . .*

“Motsemogolo wa gaeno.” Babilone e ne e se motsemogolo wa gagabo. Ke mang. . . Motsemogolo wa gagabo o ne o le kae? Jerusalema.

<sup>100</sup> Jaanong, fa re goroga kwa go ya bosu—bosupa, kgotsa tlhomamisong e e garataro, re tlaa fitlhela se motsemogolo oo o leng sone, re bo re e tlhalosa re bo re netefatsa gore ke mang yo e neng e le ene, yo a o simolotseng, kwa o tswang gone. O tlaa tswelela o eme nako e kae? A o tlaa agiwa seša gape? Ka nako efe? Ao, dilo tse dintle di mo bobolokelong ka ntlha ya rona. Go siame

*Dibeke di le masome a supa di laoletsweng bagaeno le wa gaeno. . . motsemogolo, go wetsa tlolo, . . .*

Jaanong, Ga a ise a re, “Daniele. . .” Ga go na pelaelo gore O ne a mmolelela gore dibeke di le masome a supa di ne di. . . ke raya, dingwaga di le masome a supa di ne di le gaufi le go fela. Masome a le marataro le boferabobedi, fela go tlhela dingwaga di le pedi. Mme re fithela gore seporofeti sa ga Jeremia se ne se nepile totatota ka tshiamo. Dingwaga di le pedi tse di latelang, ba ne ba huduga. Nehemia ne a tsamaya a tsaya taolo kwa go kgosi, a bo a aga lomota mo dinakong tsa matshwenyego. Ba ne ba dira. O ne a re, “Lomota. . .” Reetsa.

*. . . wetsa tlolo, . . . go khutlisa bolelo, . . .*

“Go khutlisa boleo.” Ko go mang? Bajuta. “Go laoletswe bagaeno,” e seng mo Baditšhabeng. “Mo go bagaeno,” Bajuta. “Le motsemogolo wa gaeno,” e seng New York, e seng Boston, Philadelphia, Chicago, Los Angeles, Roma. Fela, “Mo motseng wa gaeno,” Jerusalema.

*. . . le go wetsa tlolo, . . . go khutlisa boleo, . . . go direla boikepo ditetlanyo, le go tlisa tshiamo e e sa khutleng, le go kanela ponatshegelo le seporofeto, le go tlotsa Boitshupo jwa maitshupo. (Elang tlhoko!)*

*Itse ke gone ka moo mme o tlhaloganye, gore go tloga go tsweng ga taelo go šafatsa le go aga Jerusalema gape (o e neng e le motsemogolo wa gabo) go fitlheng kwa go . . . Kgosana Mesia go tla nna dibeke (tša tše masome a supa) di le supa, . . .*

<sup>101</sup> Letang go fitlhela re goroga mo go eo! Ijoo! Moo ke tshhegofatšo e ke . . . Ke ile go itseela kgole mme ke ipofelele fa lefelong fano.

<sup>102</sup> A e senola tsela yotlhe go fologa, ne a re, “Ga ke tle go go bolelela fela jaanong gore dingwaga di le pedi tseo ke fela ka ga, go tlaa bo go weditswe, go diragaditswe.” Mme rotlhe re a itse gore bona ba ne ba nna foo dingwaga di le masome a supa totatota foo, mme—ba bo ba tswa, fela totatota se moporofeti a se buileng. Mme Isaia, kgotsa ke raya . . . Daniele ne a dumela moporofeti yoo, jalo ena o ne a le yo, a itlhwatlhwaeditse. Go siame. Mme ena . . .

<sup>103</sup> Mme jaanong, fa Gabariele a tla, O ne a re, “Ke tlile go go supegetsatsela yotlhe, go go senolela dilo tse, tse, tsela yotlhe go ya kwa bofelong.” Lo a bona? Lebang.

*. . . se se ferosang dibete o tlaa swafatsa o, le e leng go ya kwa bofelelong, . . .*

<sup>104</sup> *Bofelelo* ke “bokhutlo jwa dilo tsotlhe.” “Ke ile go go supegetsatsela se se ileng go diragala.” Jaanong reetsang. Lo go tlhaloganye! “Nna . . . Daniele, ke rometswe. O a ratiwa ko Legodimong. Mme ke utlwile dithapelo tša gago mme ke fologile jaanong go go bolelela se se laoletsweng Bajuta le Jerusalema, go tloga gone jaanong go fitlha kwa bokhutlong jwa bofelelo, selo se se feletseng.”

<sup>105</sup> Jaanong, a lo a tlhaloganya, mophato? Fa re ka kgona go itse se dibeke tsena di le masome a supa di leng sone, re itse gore bofelelong ke leng. Ijoo! Modimo a re thuse go go itse. Go re bolelela totatota golo gongwe mo ditsebeng tsena, totatota go tloga nakong eo go fitlha fa nakong e, go fitlhela kwa bofelelong, mme ga go tle go fosa le motsotso o le mongwe.

<sup>106</sup> Ka fa Lefoko le legolo la Modimo . . . Motlhang Modimo a neng a dira lefatshe mme a le tlhoma mo tseleng ya kwa lefaufaug. Mme ke ne ke rera maloba bosigo, bosigo jwa

Letsatsi la Tshipi, ka fa e leng gore ga go sepe se se palelwang. Goreng, lefatshe lena le dikologa ka boitekanelo thata go fitlhela ba kgona go go bolelela totatota gore letsatsi le ngwedi di tlaa feta leng, mo dingwageng di le masome a le mabedi go tloga gompieno, go filtha kwa motsotsong o o leng one. Nka se kgone go go bolelela, ka tshupanako epe e re nang nayo mo lefatsheng; e tlaa latlhegelwa ke metsotso e le mebedi kgotsa meraro ka kgwedi, kgotsa e oketsege ka metsotso e le mebedi kgotsa meraro, mo go botoka go gaisa mo ke go itseng. Re ka se kgone go dira sepe se itekanele. Ka gore, go na le selo se le esi se se itekanetseng, moo ke Modimo. Mme Modimo le Lefoko la Gagwe ba a tshwana, jalo he Lefoko la Modimo le itekanetse.

<sup>107</sup> Mme fa re ka kgona go itse mo malatsing ano, re tlaa itse totatota gore bofelelo bo tlaa nna leng. A lo a go tlhaloganya? [Phuthego ya re, "Amen."—Mor.] "Go laoletse go fitlheng kwa bofelelong." Temana ya bo 24, "bagaeno le motsemogolo wa gaeno o o boitshepo," o e leng Jerusalema. Ke na le temana ya bo 21 . . . 24 fano. Jesu ne a umaka ka ga sena mo go Matheo 24.

<sup>108</sup> Jaanong, Mokaulengwe Collins, fa a le fano mosong ono, ga ke itse a kana ena o teng kgotsa nnyaya. Mo dipotsong maloba bosigo, o ne a botsa potso. (Ke a fopholetsa go siame gore nna ke go bolele, Mokaulengwe Collins.) Ka ga, "'Se se ferosang dibete se se swafatsang,' lo a bona, se se go rayang?"

<sup>109</sup> Jesu ne a go bua, mo go Matheo kgaolo ya bo 24, mme re tlhotlhomisitse. Eya, Matheo 24:15. Jaanong mpe fela ke buleng eo gone ka bonako, gore lo kgone go bona gore se, Jesu a buang selo se se tshwanang fano, a umakang ka ga se se kwa morago kwa go Daniele. Matheo 24:15, lona ba lo kwalang. Ke batla lona, mongwe le mongwe wa lona ka bonosi jaanong, bogolo segolo bosigong jono le—le Letsatsi la Tshipi le le tlang, tlisang dipensele le dipampiri tseo, ka gore re ya . . . kwa ntle le fa le na le theipi. 24, le temana ya bo 15, "Mme foo ke gone . . ."

*Mme ke gone ka moo e leng gore ka nako e lo tlaa bonang se se ferosang dibete se se swafatsang, se se builweng ke moporofeti Daniele, . . .*

Akanya! Mona ke dingwaga di le makgolo a le manê le masome a ferabobedi le boraro, -bonê, -botlhano, masome a ferabobedi le borataro pele ga foo. Dingwaga di le makgolo a le manê le masome a ferabobedi le borataro pele ga foo.

*. . . moporofeti Daniele, se eme mo lefelong le le boitshepo, . . .*

Jaanong leba mo Baebeleng ya gago. Go ka mo masakaneng.

*. . . (le fa e le mang yo o balang, mpe a tlhaloganye.)*

<sup>110</sup> Jaanong, O bua le Bajuta. Ba batla go itse, "Ga tweng ka ga tempele ena? E tlaa sennngwa leng? E tlaa agiwa gape leng? Nako e

tlaa tla leng mo go tla se nneng le lentswê le le lengwe mo godimo ga le lengwe? Go tlaa nna jalo lobaka lo lo kae?”

<sup>111</sup> O ne a re, “Motlhang lo bonang ‘se se ferosang dibete se se swafatsang, se eme motlhang. . .’ Daniele, ‘se eme fa lefelong le le boitshupo.’” Ne a re, “Nako e lo bonang sena se diragala, jaanong mpe ena yo o balang a tlhaloganye se a buang ka ga sone.”

Leo ke lebaka le re rapelang Modimo, go dira seo se itekanele thata, gore ga go tle go nna le moriti o le mongwe wa pelaelo. Ka gore, ga re a tshwanela go tsenya phuthololo e e leng ya rona mo dilong tseo. Go tshwanetse go tle ka MORENA O BUA JAANA. Jalo he, ke go tlogela gone foo go fitlhela ke tlhaloganya.

A mo senoletse dilo tsotlhe, seo “se se ferosang dibete.”

<sup>112</sup> Mme, gakologelwa, le na le tlhaloso e e gabedi, fela jaaka, “Biletsa morwaake kwa ntle ga Egepeto.” Jaaka Iseraele e ne ya biletswa ntle, le Jesu ne a diriwa jalo, Morwa wa Gagwe, ne a biletswa kwa ntle.

Mme moo go tlaa nna fela totatota jaaka go diragala, go tlhomame jaaka ke eme fano. Mme O go dirile ka tsela, ebile O go dirile gore go fitlhege, gotlhe go fitlhegetse Kereke. Ao, fa re fitlha kwa tlase ka mo go seo, ka mo go tlhaloganyeng mo go garataro moo, ka fa A go dirileng gore gotlhe go fitlhegele Kereke; gore Kereke e tlaa bo e go solofetse motsotso mongwe le mongwe, e ne e sa itse nako e A tlaa tlang. Fela jaanong paka ya Kereke e gaufi le go fela, jalo he yone fela e itlhwatlhwaeditse go Tla jaanong, e ipaakanya fela.

<sup>113</sup> Mona ke lengwe la Dikwalo tse di botlhokwa bogolo go gaisa mo Bukeng. Le dira eng? Le bolela go tswalwa ga setšhaba sa Bajuta, morafe wa Bajuta. Lokwalo lena, dibeke di le masome a supa, le senola ebile le bolela totatota go tloga ka nako e Daniele a simolotseng foo, go fitlhela bokhutlong jwa bofelelo. Ke nngwe ya ditshupanako tse dikgolo go gaisa. Ke ba le kae ba ba nkutlwileng ke re, “Fa o batla go itse gore ke letsatsi le feng la beke, leba kwa khalendareng. Fa o batla go itse gore ke nako efeng e re tshelang mo go yone, ela Bajuta tlhoko?” Go jalo. Khalendara ya Modimo ke eo, e tserwe gone foo. Moithuti ope wa bodumedi le ditumelo, moithutintshi ope wa Baebele, ope, o tlaa go bolelela gore mona ke tshupanako, Bajuta.

Jaanong ke nako mang e re nang le yone? Rona re fela. . . batho, mogote, ao, nna. . .

<sup>114</sup> Ga se na sepe sa go dirisana le Baditšhaba; Dikano tse Supa tsena, Dipetso tse Supa, Ditatlhego tse Supa, Dinaka tse Supa, ga di na selo se le sengwe se se ba amang. Kereke ya Baditšhaba e tlaa bo e le kwa Kgalalelong ka nako eo. Ga se na sepe sa go dirisana le rona, Kereke ya Baditšhaba. Go amana fela le Iseraele. “Daniele, bagaeno le Jerusalema.”

<sup>115</sup> Jaanong, mme go senola dintlha tse di tlhomameng gore Modimo o berekana fela le Bajuta fa ba le mo lefatsheng la gabone. Haleluya! Ke kwa ke akanyang gore go iteile fa bogareng, gone foo.

Ba tlhola ba leka gangwe le gape go dira gore go dumelwe gore Iseraele e ne e le foo ka nako ya ga Daniele. Mme mokwadi a le mongwe yo mogolo . . . Jaaka go solofetswe, ke a itse gore bangwe ba balatedi ba gagwe ba dutse fano, nka se go bue. Fela leo ke lebaka le ba neng ba na le selo sena sotlhe sa dilwana tsa maaka.

<sup>116</sup> A lo ne lo itse ka foo Bamileraete, pele ga ba fetoga go nna Seventhday Adventists, se ba se dirileng golo fano? Ka 1919, ba ne ba tsaya diphofa tsa bona, (lotlhe lo go bone mo pampiring ya Courier), mme ba ya fa godimo fano go fofa ba tloge, mosong oo. Moo e ne e le go tsaya dibeke tse supa tsa ga Daniele. Uhuh, Bamileraete. Ne ga tloga, morago go tswelela, ka Mmê Ellen White, yo neng e le moporofeti wa bone wa sesadi, ne ba retologa ba ipitsa Seventhday Adventists. Mme jaanong ba fetoletse leina la bona kwa go Lentswe la Seperofeso. Lo a bona? Maina a mararo a a farologaneng a tumelwana e e sokameng e e tshwanang.

<sup>117</sup> Jaanong, fela ba ne ba le phoso, ka gore ba ne ba leka go diragatsa dibeke di le masome a supa tseo mo go boobabedi Bajuta le Baditšhaba. Mme O ne a bua fano a re, “Ke ga babgaeno.” Mme Modimo ga a ise a ko a dirisane le Bajuta kwa ntle ga Palestina. Mme fa Mesia, kwa go tse masome a supa, le dibeke tse pedi, a ne a kgaolwa, (e seng ka ntlha ya Gagwe; ka ntlh ya rona, ne a kgaolwa), Iseraele e ne ya phatlalatswa, mme ga e ise (le goka) ya boela kwa legaeng la gaboyone go fitlhela fela dingwaga di le mmalwa tse di fetileng. Jalo he, nako e ne e sa balelwa paka ya Kereke teng moo. A lo a go tlhaloganya? [Phuthego ya re, “Amen.”—Mor.]

E tlaa se nne 1919. Nka supegetsa gore sengwe se diragetse ka 1919, fela moo ke nako e Moengele yole, molaetsa wa Moengele molaetsa wa boraro o ne o itaya mme Tatlhego e ne ya tswelela. Fela jalo. Fela e ne e se ya . . . Moo ke nako e ntwae neng e emisa ka tsela e e sa itseweng. Re bona seo mo kgaolong ya bo 7 fa re goroga kwa go yone, fa re goroga kwa kgaolong ya bo 7. Lotlhe lo nkutlwile ke rera seo, dinako di le dintsi, lo a bona, fa molaetsa wa Moengele o ne o re, “Tshwara diphefo tse nnê tsa lefatsheng go fitlhela re kanelela Bajuta, batlhanka.” Mme, jaanong, ba ne ba tswelela ba letile go fitlhela paka yotlhe ya Baditšhaba e tswile.

Yare fa A tsena, ka nako eo—ka nako eo O kanelela Bajuta, ba ba dikete tse makgolo a le masome a manê le bonê ba amogela Mowa o o Boitshepo. Go na le ba ba dikete tse makgolo a le masome a manê le bonê, ba ba kaneletsweng. Tshenolo 7. Lo e badile.

“Mme ke ne ka bona palo e kgolo e setse e le kwa Legodimong,” Johane ne a bona, “ya tshika tsotlhe, dipuo, le setšhaba, mme ba ne ba eme fa pele ga Modimo, ka mekolwane mo diatleng tsa bona, mme ba apere dikobo tse ditshweu, ba opela. ‘Haleluya! Amen! Kgalalelo, botlhale, tlotlo, nonofo, thata, di nne go Modimo wa rona ka bosaeng kae. Amen!’ ba ne ba goa.”

<sup>118</sup> Johane o ne a sa kgone go tlhaloganya ka nako eo. Fela o ne a leba kwa morago mme a bona mo Thabeng ya Sinai, (kgalalelo) ba ba dikete di le makgolo a le manê le bonê ba ba iseng ba kgotlelwe ke basadi. Bajuta! Basadi, dikereke! Ba ne ba ise ba ipataganye le makgotla ape, Lutere, Methodisti, Baptisti, le Presbitheriene. Fela ba ne ba le Bajuta go tloga tshimologong, ba Orthodox, mme ba ne ba na le tempele ya bone foo, ba obama mo Thabeng ya Sinai. Bao ke ba le dikete tse makgolo a le masome a le manê le bonê. Moo ke morago ga sena; Kereke e setse e le kwa Kgalalelong. Lo a bona?

<sup>119</sup> Jalo he, Rrê Smith o ne a le phoso, go tshwanetse go bo bo ne go le jalo. Jaaka go solofetswe, wena o ile go diragatsa seo jang golo fano mo go 1919, o ntsha ba ba dikete tse makgolo a le masome a manê le bonê? Ka ntlha eo wena o boetse kwa go Russellite gape. Lo a bona? Ka ntlha eo wena o boetse gone kwa thutong ya kereke ya Russellite, gore, “Jesu ne a tla ka 1914. 1919 O tsere Kereke ya Gagwe. Mme jaanong Ena ke mmele wa Gagwe wa masaitseweng o o tsamaya tsamayang mo godimo o dikologa lefatshe, o tsosa . . . o ya kwa lebitleng la ga mmamogolo le lebitla la ga rrêmogolo, mme a ba tsosa botlhe, botlhe bao ba ba neng ba le Marussellite.” Ditlontlokwane! Ga go dire tlhaloganyo mo Lefokong. Ga go tle go tswa go siame. Nnyaya, rra. Ga go dire.

<sup>120</sup> Fela, Modimo o na le Boammaaruri. Mme Modimo ke Ena Yo o kgonang go Bo senola teng moo, mme a Bo supegetse totatota, mo go rona. Lo a bona? Ke a dumela O tlaa go dira. Ga ke go itse. Ke lo bolelela Boammaaruri. Ga ke itse, fela ke a dumela. Ke dumela gore O tlaa dira.

<sup>121</sup> Jalo he, lo a bona, Modimo ga a ise a dirisane le Bajuta. (ke batla gore lo tsholeng sena mo monaganong) fela fa Iseraele . . .

<sup>122</sup> Moo ke nako e ke neng ka leka go bolelela mokaulengwe yona yo duteng ka kwano, yo o buang ka go ya kwa Iseraele, nnela kgakala le Iseraele! Nnela kgakala le yone, lotlhe lona batho ba lo buang ka go sokolola Bajuta. Pele ga Molaetsa ona o wediwa, lo tlaa bona gore ke MORENA O BUA JAANA, ka Lefoko le ka Mowa. Iseraele e tlaa sokollwa, setšhaba sotlhe, ka bosigo bo le bongwe. Baebele ne ya rialo. Fela Efangedi ga se le e leng ya bone. Go na le batsuolodi ba le mmalwa ba ba tswileng, le jalo jalo jalo, ba ba tsenang, mme ba le kwa ntle ga mmele wa konokono wa Bajuta, ba ba tsenang mme ba bolokesege. Moo ke nnete. Ke dumela seo ka pelo ya me—ya me yotlhe.

Fela, gakologelwa, fa fela Iseraele e le kwa ntle ga setšhaba sa yone, ba ka se kgone go bolokesega. Jaanong bona ba a boa. Mme ba tlaa bolokesega, setshaba sotlhe se se feletseng, ka letsatsi le le lengwe. Baebele ne ya rialo. Letsatsi le le lengwe, le tlaa tlisa, ka botlalo, Iseraele yotlhe gone kwa morago kwa go Modimo. Go tlaa nna le selo se se maatla a a kana kana se se itayang Iseraele lengwe la malatsi ano, go fitlhela go tshikinya setšhaba se se feletseng. Le e leng moporofeti ne a goa, mme ne a re, “Ka letsatsi le le lengwe wena o dirile sena.” Ka letsatsi le le lengwe, ba tlaa Go bona. Go tlaa nna le selo se se maatla a magolo.

<sup>123</sup> Mogopolo wa me, e tlaa bo e le moporofeti yo o maatla yo o tlhatlogang mme a ema fa pele ga Iseraele, a bo a ba netefaletsa gore Mesia yoo o santse a tshela. Mesia yoo yo ba mo ganneng o...?...

<sup>124</sup> Bona ba bala Baebele e nnye eo jaanong, ya Baebele ya kwa Iseraele. Ba E bala go tloga kwa morago go ya kwa pele, tsela e ba E balang ka yone. Mme lo itse ka fa puo ya Sejuta e kwadiwang ka gone. Mme jalo he fa bona ba E bala... Mme ba bala eo e Lewi Pethrus a e rometseng golo kwa go bona, Dibaebele di le sedikadike. Ba ne ba re, “Fa Jesu yona...” Bao e ne e le Bajuta bao ba ba neng ba hudisitswe go tswa tlase kwa Iran, mme teng kwa tlase koo, ba ne ba ise ba ko ba utlwe ka sengwe se se jaaka Mesia. Mme erile ba ne ba ithlwatlhwaeditse go boela kwa lefatsheng la gabobone, goreng, ba ne ba sa rate go pagama mo difofaneng tseo. Ba ne ba santse ba lema ka megoma ya segologolo. Lo go badile mo makasineng wa *Look*. Ke ba le kae ba ba badileng dikgannyana tseo mo dimak-... tsa *Look* le *Times*? Gobaneng, go tihomame lo dirile. Lo a bona? Ba ne ba sa rate go pagama foo. Rabi yo o godileng yoo ne a ema golo foo mme ne a re, “Gakologelwang, moporofeti wa rona ne a re re tlaa boela kwa lefatsheng la gaborona mo diphekeng tsa ntsu.” Haleluya!

Ditšhaba di a thubega, Iseraele e a tsoga,  
Ditshupo tse Baebele e di boleletseng pele;  
Malatsi a Baditšhaba a badilwe, ka dikepu tse  
di dirilweng bokete;  
“Boelang, Oho lona bafaladi, kwa bagabo  
lona.”

<sup>125</sup> Go botoka o bo o tsoga. Lo go utlwile la ba la go utlwa, la ba la go utlwa, fela go ile go nna lekgetlo la bofelo, lengwe la malatsi ano. Iseraele e boela kwa lefatsheng la gaboyone. Letsatsi le Modimo a laolang gore Iseraele e nne setšhaba, leo ke letsatsi le go tlaa se nneng le Moditšhaba yo mongwe yo o bolokesegang.

<sup>126</sup> Ke tlaa netefatsa seo ka dibeke tsena tse di masome a a supa, fa fela nka kgona go fitlhela malatsi ao. Ke ile go ya ka kwa ko khalen... go tsaya khalendara ya tepodinaledi, le—le ya Julian, ya tepodinaledi, le ya Seroma, le tsoitlhe tsa tsone. Go na

le tse dingwe, golo gongwe. Go na le sengwe. Modimo o itse ka ga gone, mme, Ena—Ena o kgona go go senola. Lo a bona? Ke a itse khalendara ya Julian e na le malatsi a le makgolo a le mararo le masome a marataro le botlhano le kotara ya letsatsi, mo ngwageng. Jalo he, ao, tsone tsotlhe di tlhakatlhakane, fela go na le nnete, golo gongwe.

<sup>127</sup> Ke bona dikereke di le dintsi thata, makgotla a le mantsi thata, batho ba le bantsi ba ya kwa go *sena*, mme bangwe ke, “Dumela Marea,” mme bangwe ba obamela *sena*, le *sele*, se *sele*. Go tshwanetse go nne le Boammaaruri, golo gongwe. Go tshwanetse go nne le Modimo, golo gongwe. Go tshwanetse go nne le Molaetsa, golo gongwe. Ke bona baporofeti ba e seng ba nnete ba tlhatloga, ba etsisa ditemogo, le mehuta yotlhe e mengwe ya dilwana e tswela. Fong, go tshwanetse go nne le nngwe ya mmannete foo, golo gongwe, mo seo sa tsietsego se dirilweng go tswa mo go sone.

<sup>128</sup> Ke bona ba tsena mo nameng, mme ba thela loshalaba, ebile ba tswela, mme ba tswela ntle ebile ba tshela mehuta yotlhe ya matshelo. Go tshwanetse go bo go na le Mowa o o Boitshepo wa popota golo gongwe. Ke bona batho ba etsisa bodumedi, le jalo jalo, mme ba leka go nna boitshepo. Ke a itse gore go na le Modimo mmatota, golo gongwe. Go na le Mowa wa popota, golo gongwe, ka gore oo ke wa boitimokanyi o o dirilweng go tswa mo go one, wa kgale o e seng wa nnete. Go tshwanetse go nne le sengwe se e leng sa mmete: motho, batho, Kereke, Modimo. Go tshwanetse go nne le sengwe se e leng sa nnete, golo gongwe, ka gore tsena di kopisitswe fela go tswa mo go sone. Go na le sengwe sa nnete, golo gongwe.

<sup>129</sup> Ke ne ka bolelela kereke ena, ka dineo tsa lona. [Mokaulengwe Branham o kokota fa felong ga therelo makgetlo a le manê—Mor.] Reetsang dineo tsa lona, lo di tsholeng ka mo Baebeleng. Lo se tseye seemedi, fa mawapi a tletse ka dingwe tsa mmannete. A re tshegetseng tsa popota. A re tseyeng tsa popota kgotsa re se nneng le dipe gotlhelele. Amen.

<sup>130</sup> Jaanong, bokhutlo, ke ntlha e e tlhomameng gore Modimo o dirisana le Iseraele fela fa e le kwa lefatsheng la gabobone. A re tseyeng nako e Modimo . . . Aborahama ne a logela lefatshe la ba gagabo mme a ya kwa tlase kwa Egepeto, go ne ga diragala eng? O ne a tloga fa thatong ya Modimo, mme o ne a se ka a segofala ka motlha ope go fitlhela a boela kwa lefatsheng la gagabo. Modimo o ne a seka a berekisana le ena ka motlha ope, ga se nne le ponatshagelo e le nngwe, ga se nne le sepe se sele, go fitlhela a boela kwa lefatsheng la gagabo.

<sup>131</sup> Lebang Iseraele fa ba ne ba romelwa kwa tlase ko Egepeto, dingwaga di le makgolo a le manê. Go se na motlholo o le mongwe, go se na sesupo se le sengwe, ga go sengwe se le sengwe se se neng sa diragala mo gare ga bona, se se sa gatisiwang mo



ditsong tsa Buka. Masome a ferabongwe le boferabongwe a tshwanang; yaa kwa kerekeng, dira setlhabelo sa kwana, e re “Dumela Marea,” kgotsa le fa e le eng se e neng e le sone, yaa kwa morago. Ngwaga o o latelang, tsela e e tshwanang. Baperesiti botlhe ba ne ba ngangisana, “Rabi *Sebane-bane!* Re tlaa tlhopho Rabi *Sebane-bane.* O na le dithuto tse di tseuleteng tse di botoka go gaisa. O itse go feta ka ga Baegepeto.” Selo sa ntlha se o se itseng, Baegepeto le—le botlhe ba bone, ba ne ba le selo se se tshwanang.

<sup>132</sup> Moo ke selo se se tshwanang se se diragaletseng kereke. Rotlhe re ne ra ya go nna Methodisti, kgotsa Baptisti, kgotsa Presbitheriene. “Mme re na le garata go tswa Hartford! Re na le garata go tswa Wheaton! Re na le garata go tswa golo gongwe go sele, kgotsa Bob Jones! Rona, re na le Garata ya ntlha ya Botaki! Re na le D.D., LL.D., kgotsa sengwe se sele!” Gone ga kgobokana go nna eng? Segopa sa ditlontlokwane.

Ke tsela e go neng go ntse ka yone kwa Egepeto. Mme Modimo le ka motlha ope ga a ka a dirisana le Iseraele go fitlhela e tla kwa lefatsheng la gaboyone.

<sup>133</sup> Nkutlweng! MORENA O BUA JAANA, Modimo ga a tle go dirisana le Kereke ya Gagwe go fitlhela E boela fa lefatsheng la gaboyone, Molaetsa wa oura. Boelang kwa ga kwa tshimologong! Nnelang kgakala le dikakanyo tsa lone tsa Methodisti, Baptisti, Presbitheriene; tsa lone tsa Pentekoste, Assemblies, Bongwefela, Borarofela, le Botlhanofela, le fa e le eng e go leng yone; kereke ya Modimo, Nazarene, Pilgrim Holiness, kereke ya ga Keresete, ditlhopho tsotlhe tsa batho ba moganetsa-Keresete! Mme ke lemoga gore sena se tlasela lefatshe. Gotlhe go phoso, gotlhe ke ga ga diabololo. Ijoo! Go na le banna ba ba poifo-Modimo mo go nngwe le nngwe ya tsone. Go na le batho ba ba poifo-Modimo mo go nngwe le nngwe ya tsone ditlhopho tseo tsa batho. Fela lekgotla, ka bolone, ga se la Modimo, mme Modimo le ka motlha ope ga a tle go le segofatsa. Ga a ise a go dire.

<sup>134</sup> Ke kopa mokwala ditso mongwe le mongwe (o tlaa utlwa theipi ena) go kwalela mo teng mme o mpolelele le fa e le leng, kereke e neng ya rulaganya, fa Modimo a ne a se e beye fa kobotlong mme le ka motlha ope a se tshole a berekisana le yone. Mpolelele ke leng fa a kileng A tsosa Lutere gape, Wesele le Bamethodisti, kgotsa Pentekoste. Ga a ise a dire! Lekgotla leo le ne la nna foo, mme le ne la kekelo mme la bola! Modimo ne a tsaya batho ka bonosi a bo a leka go supela batho morago kwa lefatsheng la gabone. Mme foo, batho ka bonosi ba koafetse ebile ba kgaetse thata, ka mohuta mongwe wa garata, go fitlhela ba rulaganya lekgotlha le lengwe, ba le dira ngwana yo o leng wa dihele gabedi go feta go na le ka fa a neng a le ka gone kwa tshimologong.

<sup>135</sup> Fela, golo gongwe, go tlhomame, Jehofa o na le monna yo A ka bayang diatla tsa Gagwe mo go ena, yo o sa tleng go tsenya sepe mo dipharagobeng le bone . . . -poifo, lekgotla le le senang poifo-Modimo; yo o tlaa fetolelang mogopolo wa batho morago kwa Lefikeng, Keresete Jesu, morago kwa pentekosteng ya kwa tshimologong le Mowa o o Boitshepo wa kwa tshimologong, ka ditshupo tsa kwa tshimologong le dikgakgamatso tsa kwa tshimologong. Go tlhomame Ena o na le mongwe, golo gongwe, yo o sa tleng go kopakopana fa tlase ga mohuta ope wa pogisego, a tabogele kwa ntle, a emise, a kgeloge, sepe se sele; yo o tlaa nnang le gone.

Modimo ga a ke a segofatsa Iseraele go fitlhela e goroga kwa lefatsheng la gaboyone.

<sup>136</sup> Modimo ga a kitla a segofatsa, lekgotla la Methodisti, Baptisti, Presbitheriene, Khatholike, kgotsa Pilgrim Holiness, Nazarene, la kereke ya ga Keresete, kgotsa—kgotsa a Pentekoste. Ga a kitla a go segofatsa ka tsela eo. Boela kwa lefatsheng la gaeno, kwa tshimologong, morago kwa maitemogelong a pentekoste jaaka go ne ga diragala ka Letsatsi la Pentekoste motlhang Thata ya Modimo yo o tshelang e ne e fetola dikete tseo tsa batho, mme e tukisa pelo tsa bona ka Molelo wa Modimo, mo go neng ga supegets a ga popota; e seng ditshupo tse di etsisitsweng, e seng go bala tlhaloganyo gongwe mo ga maitirelo, e seng tshotlo gongwe, mme ra tsena ka mo peisong ya dipeba jaaka re na le yone mo Amerika. “Ke mang yo o ka nnang le tante e kgolo bogolo go gaisa?” Kgotsa, “Ke mang yo o ka nna le lesomo le legolo go gaisa thata?” Ke pharologanyo efeng e moo go go dirang kwa go Modimo? Modimo o batla batho ba ba tshepafalang mo pelong, e seng lesomo le legolo. Mme rotlhe re na le peiso ya dipeba fano, e taboga. A matlhabisa ditlhong, go bona fa re ka kgona go oketsa sekete go feta mo lekgotleng la rona. Ke matlhabisa ditlhong. O re batla morago kwa Boammaaruring, morago kwa Moweng, morago kwa Leseding le le siameng, morago kwa tseleng ya mheru mo go Keresete, morago kwa Boammaaruring. Ena le ka nako epe a ka re segofatsa jang ka tsela e re e tsamayang? Ga a tle go dira.

<sup>137</sup> Ga a ise a segofatse Iseraele go fitlhela ba boela kwa lefatsheng le le solofeditweng. Mme fa ba ne b boela kwa lefatsheng le le solofeditweng, ditshupo le dikgakgamatso di ne tsa simolola go diragala. O ne a romela monna gone golo mo gare ga bona, ka leina la Moshe. Ke eng se Moshe yona a neng a fologa ka sone, dithuto tsa bodumedi le ditumelo tse di phatsimisitsweng? A o ne a fologa ka garata ya Ntla ya Botaki? A o ne a fologa ka LL.D., Ph.D.? O ne a fologa ka thata ya ga Jehofa, le ka molaetsa, “Boelang, kwa lefatsheng la gabolone, go tswa fa lefatsheng le. Boelang, Ao bafaladi, kwa go ba e leng bagabolone.” Amen!

<sup>138</sup> Go batlile go ntse dingwaga di le dikete tse pedi, Bajuta ba ntse ba le kwa ntle ga lefatshe la gabone, ba phatlalletse kwa diphefong di le nnê tsa lefatshe. Ka fa e leng gore re ne re ka kgona go dira Molaetsa ona o tswelole dibeke jaanong, fa re ne re tshwanetse go bua dintlha ka botlalo. Re ka kgona go latelela Iseraele gone kwa morago me ra supegetsa nako e e neng e phatlalatswa ke Bogosi jwa Roma, ka go gana Mesia ga bone; ka fa e neng ya lelekiwa kwa setšhabeng sengwe le sengwe fa tlase ga Legodimo.

Re boele kwa go Jakobo, Iseraele, morago kwa go Genesi 44 le 45, mme re supegetse morago foo gore o ne a segofatsa ditlhogo tseo tsa lotso jang a ba a bolelela totatota kwa ba tlaa emang gone mo motlheng ya bofelole. Mme nka kgona go lo supetsa totatota (setšhaba sengwe le sengwe) sa Iseraele, morafe mongwe le mongwe wa Iseraele, o eme gone fela mo ditšhabeng kwa e rileng ba tlaa bo ba ntse gone. Mme re fano gompieno.

<sup>139</sup> Mojuta o re mo itseng, yoo ga se Mojuta wa mmatota. Mojuta wa mmatota ke yoo wa Orthodox yo o iseng a ikgotlele ka dilo tsa lefatshe, yo o iseng a tswelole kwa ntle go ipataganya le dikereke tse dingwe. Bao ke bone ba ba boelang ka kwa, ba tshela ka kase le senkgwe, mo matlhakoreng a dithabana, ba sa dumelwele mo motsengmogolo wa kgale. Ba ne ba tshwanela go ikagela motse mo letlhakoreng lena, mo lefatsheng le le seng la motho ope, ka tlhobolo ya kgotla more o itirise e tlhomilwe kwa dintlheng tsoopedi. Fela e simolotse go ntshetsa matlhogela fa pontsheng. Amen, le amen! Nako e fa gaufi.

<sup>140</sup> Ishemaele le Isaka ke bao, ba eme foo, ba tlhatlharuana ka ga lefatshe, le fa go le jalo, fela lone ke la Iseraele. Fa go diragala gore o ye ka kwa ko Jerusalema yo moša, ga ba tle go go letlelela o tla ka ko Jerusalema o mogologolo. O tshwanetse o ye koo pele mme o ba letle ba go tlhalosetse gotlhe, Maarabo, morago ba go ise ka kwa letlhakoreng le lengwe. Bao ke bana ba ga Ishemaele. Fela, leta, go tla nako e mo go yone bana Modimo ba ileng go e tsaya. Go jalo. Jerusalema a tlaa agiwa seša gape. Setlhabelo sa metlha le metlha se tlaa tlhomiwa.

Mme moganetsa-Keresete o tlaa ba direla kgolagano ya dibeke tseo tse supa tsa bofelole. Mme mo gare ga yone, o tlaa senya kgolagano eo, a ba fetolele botlhe ka mo Bokhatholikeng. Se se ferosang dibete se tlaa gasamela mo godimo ga selo sotlhe, fela jalo, mme ka nako eo bokhutlo bo tla diragala.

<sup>141</sup> Elang tlhoko, “dibeke di le masome a supa.” Eya, go batlile go na le dingwaga di le dikete tse pedi ba ile; ba ne ba kgoromeleditswe jaanong, ba gabone; jaaka go ne go ntse mo go thatafatsweng ga pelo ya ga Faro, O ne a tshwanela go thatafatsa pelo ya ga Hitler. Didikadike tsa bone di ne tsa swa. Lebang Eichmann yona, a le molato wa go bolaya Bajuta ba le didikadike di le thataro. Didikadike di le thataro tsa bona, mewa ya batho

ya botho, masea, bana, bagolo, botlhe ba bolailwe; Eichmann, monna a le mongwe. Lebang Rashia, ka fa lo ba ntshitseng foo. Ba ne ba ba kgoromeletsa gongwe le gongwe. Ba nnile ba le setšhaba se se nyaditsweng.

<sup>142</sup> Fela ka ntlha ya lorato lwa madi a bona, ba ne ba boa gape. Fela setlhopšana se sennye seo se boela ka ko Palestina. Amen, bakaulengwe! Fa lo e bona e simolola go tla mo lefatsheng la gabo yone!

<sup>143</sup> Ba na le mo go lekaneng teng foo jaanong go dira go ka nna dikete di le masome a le manê le bonê. Mme go diragala eng? Ba tlaa itse Josefa wa bona. Lo se tshwenyega. Ee, rra. Mme botlhe ba eme foo ba go letetse gore go diragale. Mme yone oura e . . .

<sup>144</sup> Ditšhaba di ba boletse phatlalatsa gore ke setšhaba, ngwaga ona o o fetileng. Motlhang seo se diragalang jalo, re gaufi le bokhutlo, Kereke ya Baditšhaba e ile. Jalo he, go ka nna nako nngwe le nngwe, Modimo a ka nna a re, "Iseraele ke batho ba Me." Motlhang moo go leng jalo, Baditšhaba ba fedile.

<sup>145</sup> "Ba tlaa gatakela faatshe," ne ga bua Jesu, mo go Matheo 24. "Se se ferosang dibete se se swafatsang, ba tlaa gatakela faatshe dipota tsa Jerusalema go fitlhela tebalebelo ya Baditšhaba e feta." Motlhang eo e weditsweng, ka nako eo Bajuta ba tlaa boela morago ka ko Jerusalema, go tlhoma gape tempele le kobamelo fa tempeleng. Re tlaa go tlhaloganya gotlhe mo Melaetseng ena e e latelang, dibeke di le masome a supa tsa boikaelelo jo bo garataro.

Jaanong ke tlaa bala moo pele ga go tswala, ka gore go tlaa bo fela go le gaufi le go nna nako fong ya gore rona re yeng gae, re tloge re boe bosigong jono ka nako bosupa.

<sup>146</sup> Santlha, santlha, fa lo go kwala, "Go wetša tlolo." Daniele, kgaolo ya bo 9, temana ya bo 24. "Go wetša tlolo," nngwe. "Go khutlisa bolelo," pedi. "Go direla boikepo tetlanyo," tharo. "Go tlisa tshiamo e e sa khutleng," nnê. "Go kanela ponatshegelo le seporofeto," tlhano. "Go tlotsa Boitshepo jwa maitshapo," thataro. Mme moo ke se re tlaa buang ka ga sone bosigong jono. Modimo, a diragatsa!

<sup>147</sup> Jaanong letang, mpe nna ke go boeletseng gape, gore lo go tlhaloganye. Santlha, "wetsa tlolo." Bobedi, "khutlisa bolelo." Boraro, "direla boikepo tetlanyo." Bonê, "tlisa tshiamo e e sa khutleng." Botlhano, "kanela ponatshegelo le seporofeto." Borataro, "go tlotsa Boitshepo jwa maitshapo."

Mpe ke e lo baleleng jaanong, go tswa fa Baebeleng. Ke temana ya bo 24.

*A supa-...dibeke di laoletswe bagaeno (Bajuta) le wa gaeno o o boitshepo—motsemogolo wa gaeno o o boitshepo (Iseraele, Bajuta, Jerusalema), go wetša... ditlolo (nngwe),...go khutlisa bolelo (pedi),...go direla*

*boikepo ditetlanyo (tharo), . . . go tlisa tshiamo e e sa khutleng (nnè), le go kana ponatshegelo (tlhano)— ponatshegelo le seporofeto, le go tlotsa Boitshepo jwa maitshupo (thataro).*

148 Moo ke totatota se A neng a tlile go se mmolelela, se se tlaa diriwang, mme go tloge go tle go nne bokhutlo.

149 Jaanong, bosigong jono re tlaa tlhaloganya se dilo tseo di leng sone, ebile re boneng ka fa re leng gaufi ka gone foo. Mme re tloge Letsatsi la Tshipi le le latelang, re tsenyeng mme re beyeng dikarolwana tsena ka nako fa mannong totatota fa re emeng gone. Ke a Mo rata.

150 Iseraele e boela kwa lefatsheng la gabonê, Iseraele. Mpe fela ke bueng sena jaanong fa re santse . . . ke a fopholoetsa gone ga go fa theiping. Mpe ke bue sena. Yone oura e Iseraele e fetogang go nna setšhaba . . . Lebaka le nna ke tlhotseng ke dumela, pele ga setlhopho sa me fano, gore go ne go na le sengwe se nna ke tlaa nnang le seabe, pele ga ke swa, ka ga go isa Iseraele morago kwa go Morena. Ka gore, motlhang yone oura, go ya ka pampiri ya go tlhalosa ka ditshwantsho ya Pan American, gore Iseraele e ne ya bolelwa pontsheng e le setšhaba, lekgetlo la ntlha mo dingwageng di le dikete tse pedi e sale ba phatlaladitswe, e se batho; e ne e le yone oura e e tshwanang eo, gone fela fa oureng, e Moengele wa Morena a neng a kopana le nna ka kwale mme a nthomela kwa go . . . ka Efangedi. Sone selo se se tshwanang, Motsheganong la bo 7, 1946.

151 Jaanong, fong, selo se sengwe se se nneelang gore ke itse. Ke go “busetsa dipelo tsa bana morago kwa go borraabo, le dipelo tsa borraabo kwa baneng,” Molaetsa. Lemogang, Malaki 4 (e seng 3), 4!

152 Selo se sengwe. Motlhang Billy, morwaake, le nna, Mokaulengwe Ern Baxter, re neng re le mo tseleng ya rona go ya kwa Palestina, morago ga re se na go kopana le Bajuta kwa ga Mokaulengwe Arganbright, mme ba ne ba bone bokopano. Lewi Pethrus ne a rometse Dibaebele tse ka koo. Mme o ne a re . . . Bajuta bana ne ba tla, ne a re, “Fa o tlaa bitsa segopa sa baeteledi pele ba Iseraele, ke raya, e seng borabi bana ba bašwa ka meletlo yotlhe ya bone, fela bitsa baeteledi pele ba nnete ba Iseraele ga mmogo. Mme re badile Kgolagano e Ntšhwa ena, ebile re a itse gore motlhang Mesia a tlang, O tlaa re bolelela dilo tsena, jaaka mosadi wa Samarea. Re a itse gore Moshe ne a bua gore Mesia wa rona e tlaa nna moporofeti. Mme fa o ka ba bolelela le go ba supegets, ka Lokwalo,” seo se re tlaa se tlhaloganyang mo Molaetseng wa bosigong jono, “gore ba ne ba tshwanelwa go fifadiwa mme dipelo tsa bona tsa kgaolwa, gore sebaka sa Baditšhaba se kgone go tla, gore re tle re nne le nako ya tetlanyo ka ntlha ya Baditšhaba. Mme dipelo tsa bone di ne tsa thatafatswa fela totatota jaaka go ne go ntse ka nako

ya ga Josefa, le jalo jalo. Mme go tloge go tlisiwe Bajuta bao kwa lefelong, le gore go bidiwe batho bao go tswa fa bareetsing bao, fela jaaka lo dira Baditšhaba fano, ka tlhotltheletso eo ya Mowa.” Jaaka go itsiwe, ba ne ba re, “Fa Jesu yona, fa A le Mesia, mme mafoko a gago a le boammaaruri, fong Ena ga a a swa, ebile O a tshela. Mme fa A tshela, O solofeditse go nna mo go ya Gagwe. . . batlh- . . . batlhanka ba Gagwe—batlhanka, barutwa ba Gagwe. Mme fa re ka Mmona a dira sesupo sa moporofeti, fong re tlaa dumela gore Ena ke Mesia.”

A selo se se itekanetseng, se nepile totatota. Foo, seo se ne se tlaa dira eng? Setšhaba se ne se tlaa tsalwa ka letsatsi le le lengwe, mo gare ga baeteledi pele. Mongwe le mongwe wa bone o ne a tlaa re, “Re a go itse.” Fa rabi yoo a bua seo, moo go a go wetsa. Setšhaba se tlaa tsalwa ka letsatsi le le lengwe. Iseraele e tlaa tsalwa ka letsatsi le le lengwe.

<sup>153</sup> Mme ke ne ke le mo tseleng ya me, ka bo ke ema kwa Cairo, Egepeto, ka thekethe mo seatleng sa me, le metsotso e le lesome le botlhano kgotsa masome a le mabedi ya go bitsa. Ba ne ba le gaufi le go bitsa. Mme ke ne ka fologa ganyne go bona setoki se sennye sa logong lo lontsho, ka tlou e nnye e dirilwe ka logong lo lontsho, ka lona—lonaka lwa tlou. Ke ne ke ile go e romelela tsala ya me ya ngaka, Ngaka Sam Adair, go nna bokete go beiwa fa dipampiring. Mme ke ne ke le lebile. Mme Sengwe se ne sa nthaya sa re, “Ena ga e ise e nne oura ka nako e. Nnela kgakala le Palestina.”

<sup>154</sup> Jalo he ke ne ka akanya, “Moo e ne e le nna fela ke akanya seo.” Mme ke ne ka tswela.

Sengwe se ne sa re, “Ena ga se oura.”

<sup>155</sup> Mme ke ne ka tswela ntle kwa morago ga karatšhe ya difofane. Ke ne ka tlhatlosetsa tlhogo ya me kwa go Modimo. Ke ne ka re, “Modimo, a Yoo e ne e le wena o bua le nna?”

<sup>156</sup> Ne la re, “Ena ga se oura. Nnela kgakala le Palestina. Ena ga se nako.” Foo ke ne ka tsaya thekethe ya me mme ka tšhentšha, ka bo ke tsamaya go tloga foo go ya kwa godimo ka Roma, ka bo ke boela ko Lisbon, go ralala ko Portuguese, mme go tloga foo go boela kwa United States.

<sup>157</sup> Oura e ne e ise e nne yone ka nako. Boikepo jwa Baditšhaba ga bo ise bo tlale ka nako e, fela go fitlha kwa bofelelong jwa senwelo. Fela letsatsi lengwe moo go tlaa nna jalo, mme Modimo o tlaa romela mongwe koo yo e leng moporofeti, mme o tlaa ba netefatsa. Ke tshepa gore Modimo o tlaa mo tsosa gone ka nako eo, le fa e le mang yo e ka nnang ene, moo go tlaa mo tsosa ka bonako. Ke a dumela gore go tshwanetse go tle. Leo ke lebaka le re ithutang sena, gore re gaufi thata.

<sup>158</sup> Mme, gakologelwang, one motsotso o Bajuta ba amogelang Keresete, Kereke ya Baditšhaba e ile. Ka nako eo dipetso di tlaa tsholelwa mo go Baditšhaba, Pitlagano.

159 Mme—mme batho ba ka dira jang, baruti ba bagolo ba rute, mme ba lebile fa Baebeleng ena jaana, mme ba bue gore Kereke e tsamaya go ralala paka ya Pitlaganyo, fa go sena Lokwalo mo Baebeleng lo lo go buang! Ga ba na selo se le sengwe.

160 Monna ne a mpoletlela, e se bogologolo, ne a re, “Ao, Kgaityadi McPherson ne a ruta gore Kereke e tlaa ralala Pitlagano, ka gore re tlaa bo re le masedi a a phatsimang ka nako eo.” Ke Iseraele ka nako eo, eseng Baditšhaba.

Baditšhaba ba setse ba tsamaila, Kereke. Ga ba tshwanele go ralala Pitlagano epe. “Kkogela e gasitse metsi go tswa mo molomong wa yone,” kgaolo ya bo 17, “mme ya dira ntwa le masalela,” kgarebane e e robetseng. Eseng. . . Kereke ya nnete e ile. O setse a le kwa Selalelong sa Lenyalo mo go ana, lobaka lwa nako fa Selalelo sa Lenyalo se tlaa bong se jewa, bekeng ya bofelo. Mme moo ke nako e Pitlagano e tsenang ka yone, motlhang ditsie le dipogiso di tlang mo dikerekeng, dilo tse di jalo.

Fong, kwa bokhutlong, mo kgaolong ya 19, ke fano A tla le Monyadi wa Gagwe. Haleluya! “Kgosi ya kgosi, le Morena wa marena; seaparo se tsentswe mo Mading, mme lesomo la Legodimo le pagame mo dipitseng tse ditshweu, le tla le Ena. Ena ke yoo a tla, go tsaya lefelo la Gagwe ko Mileniamong. Amen! Ao!

A go segofale Leina, ao, a go segofale Leina,  
A go segofale Leina la Morena;  
A go segofale Leina, ao, a go segofale Leina,  
A go segofale Leina la Morena.

Jesu ke Leina, Jesu ke Leina,  
Jesu ke Leina la Morena;  
Jesu ke Leina, ao, Jesu ke Leina,  
Jesu ke Leina la Morena.

Godisang Leina la Gagwe, ao, godisang Leina  
la Gagwe,  
Ao, godisang Leina la Morena;  
Godisang Leina, ao, godisang Leina,  
Godisang Leina la Morena.

161 O go dira jang? O Le dira le legolo mo botshelong jwa gago. O tshela botshelo jo bo jalo gore ba kgone go re, “Motlhanka wa ga Keresete ke yoo.” Ke ka fa o godisang Leina ka teng. A re boneng. Ao, a ga lo Mo rate? [Phuthego ya re, “Amen.”—Mor.] Ijoo! Sefela sa rona se sennyane jaanong:

Mo sejong bogologolo, ke a itse go jalo ka  
nnete,  
Lesea le ne la tsalwa go pholosa batho mo  
boleong jwa bona.  
Johane ne a Mmona mo letshitshing, Kwana ka  
metlha e e sa feleng,

Kwana eo ka Dikano Tse Supa tseo, Ena a le esi ko Legodimong le lefatsheng ne a nonofile go e tsaya. Mo seje- . . .

Mo sejong bogologolo, ke a itse go jalo ka nnete,

Lesea le ne la tsalwa go pholosa batho mo boleong jwa bona.

Johane ne a Mmona mo letshitshing, Kwana ka metlha e e sa feleng,

Ao, Leina la Morena a le segofale.

Ao, a go segofale Leina, ao, a go segofale Leina,

A go segofale Leina la Morena;

A go segofale Leina, a go segofale Leina,

A go segofale Leina la Morena.

<sup>162</sup> Ke rata go obamela. A ga lo dire? [Phuthego ya re, "Amen."—Mor.] Jaanong, ga re tle kerekeng fela go utlwa thero; moo go tsamaya le gone. Fela re tla kerekeng go obamela, obamela ka Mowa le ka Nntete. Lo utlwile Nnete; eo ke Lefoko. Lo a bona? Jaanong, go obamela, ke go itlhalosa kwa go Ena. Lo a bona?

*Ao, Ke Rata Monna Yoo Wa Galelea!* Re neye dinoto di le dinnye ka eo. Ee, rra. O a e itse, Teddy? Ke a e lebala jaanong. A re boneng. A re boneng.

Ao, ke rata Monna yoo go tswa Galelea, go tswa Galelea,

Gonne O ntiretse mo gontsi ntsi thata.

O itshwaretse maleo otlhe a me, a tsenya Mowa o o Boitshepo mo teng;

Ao, ke a rata, ke rata Monna yoo wa Galelea.

Mokgethisi ne a ya go rapela ko tempeleng foo letsatsi lengwe,

O ne a lela, "Ao Morena, nkutlwele botlhoko!"

O ne a itshwarelwa bolele bongwe le bongwe, mme kagiso e e tseneletseng e ne ya bewa mo teng;

O ne a re, "Tlayang, lo boneng Monna yona go tswa Galelea."

Ao, ke rata Monna yoo go tswa Galelea, go tswa Galelea,

Gonne O ntiretse mo gontsi ntsi thata.

O itshwaretse maleo otlhe a me, a tsenya Mowa o o Boitshepo mo teng.

Ao, ke a rata, ke rata Monna yoo wa Galelea.

Ditlhotsi di ne tsa dirwa gore di tsamaye, dimumu di ne tsa dirwa gore di bolele.

Thata eo e ne ya bolelwa ka lorato mo lewatleng.



Difofu di ne tsa dirwa gore di bone, ke a itse  
gore go kgonega fela gore e ka nna  
Thata ya Monna yoo go tswa Galelea.

Ao, ke rata Monna yoo go tswa Galelea, go tswa  
Galelea,  
Gonne O ntiretse mo gontsi ntsi thata.  
O itshwaretse maleo otlhe a me, a tsenya Mowa  
o o Boitshepo mo teng.  
Ao, ke a rata, ke rata Monna yoo wa Galelea.

Reetsang ena.

Mosadi kwa sedibeng, Ena ne a bolela maleo  
otlhe a gagwe,  
Ka foo a neng a na le banna ba le batlhano ka  
nako eo. (Yoo ke Ena.)  
O ne a itshwarelwa bolelo bongwe le bongwe,  
mme kagiso e e tseneletseng e ne ya tsena mo  
gare;  
Fong ne a goa, "Tlayang, lo bone Monna go  
tswa Galelea!"

Ao, ke rata Monna yoo go tswa Galelea, go tswa  
Galelea,  
Gonne O ntiretse mo gontsi ntsi thata.  
O itshwaretse maleo otlhe a me, a tsenya Mowa  
o o Boitshepo mo teng.  
Ao, ke a rata, ke rata Monna yoo go tswa  
Galelea.

Ke a Mo rata. A ga lo dire? [Phuthego ya re, "Amen."—Mor.]  
Pelo ya me yotlhe! A wena ga o dire? ["Amen."] A Ena ga a  
gakgamatse? ["Amen."]

Ao, gakgamatsa, gakgamatsa, Jesu o jalo mo go  
nna, (Ena ke Eng?)  
Mogakolodi, Kgosana ya Kagiso, Modimo  
Mothata ke Ena;  
Ao, a mpoloka, a nkganela kgakala le bolelo le  
ditlhong tsotlhe,  
Morekolodi wa me o a gakgamatsa, a go bakwe  
Leina la Gagwe!

A re obeng ditlhogo tsa rona fela jaanong mme re go  
akanyeng.

Ke kile ka ne ke timetse, fela jaanong  
nna ke bonwe, ke gololesegile go tswa mo  
katlholong, (ditšhaba di a senyega; ga go  
tshwenye)  
Jesu o neela kgololesego le polokesego e e  
feletseng;

O a mpoloka, O nkganela kgakala le boleo le  
ditlhong tsotlhe,  
Morekolodi wa me o a gakgamatsa, a go bakwe  
Leina la Gagwe.

Ao, gakgamatsa, gakgamatsa, Jesu o jalo mo go  
nna,  
Mogakolodi, Kgosana ya Kagiso, Modimo  
Mothata ke Ena;  
A mpoloka, a nkganela kgakala le boleo le  
ditlhong tsotlhe,  
Morekolodi wa me o a gakgamatsa, a go bakwe  
Leina la Gagwe!

Ao, akanyang ka ga gone!

Ke kile ka ne ke timetse, jaanong nna ke bonwe,  
ke gololesegile go tswa mo katlholong,  
Jesu o neela kgololesego le polokese go e e  
feletseng;

O a mpoloka, (O dira eng?) nkganela kgakala le  
boleo le ditlhong tsotlhe, (ke fofa kwa godimo  
ga gone)

Ao, Morekolodi wa me o a gakgamatsa, a go  
bakwe Leina la Gagwe.

Jaanong ga mmogo!

Ao, gakgamatsa, gakgamatsa, Jesu o jalo mo go  
nna,

Mogakolodi, Kgosana ya Kagiso, Modimo  
Mothata ke Ena;

Goreng, a mpoloka, a nkganela kgakala le  
boleo le ditlhong tsotlhe,

Morekolodi wa me o a gakgamatsa, a go bakwe  
Leina la Gagwe.

Ao, ka foo ke ratang Jesu (kgalalelo!)

Ao, ka fo ke ratang. . .

Ke itumetse thata gore ke bolokilwe! Ke itumetse thata gore  
ke letetse go Tla ga Gagwe!

Ao, ka foo ke ratang Jesu,

Ka gore O nthatile pele.

Jaanong ka diatla tsa rona di tsholeditswe, fa re go bua ka  
mmannete.

Ga nkitla ke Mo latlha,

Ga nkitla ke Mo latlha,

Ga nkitla ke Mo latlha,

Ka gore O nthatile pele.

<sup>163</sup> Lo a Mo rata? [Phuthego ya re, "Ee."—Mor.] Ka ntlha eo lo  
tshwanetse lo rataneng. Ka gore, fa o sa rate bao ba o kgonang

go ba bona le e leng mona, o ka kgona jang go Mo rata Ena yo o iseng o mmone? A re dumedisaneeng ka diatla, re re:

Ao, ka foo ke ratang Jesu,  
Ao, ka foo ke ratang Jesu,  
Ao, ka foo ke ratang Jesu,  
Ka gore O nthatile pele.

Ga nkitla . . . (Tsholeletseng diatla tsa lona kwa go Ena jaanong. Moo ke gone.) . . . -tlha Ena,  
Ga nkitla ke Mo latlha,  
Ga nkitla ke Mo latlha,  
Ka gore O nthatile pele.

<sup>164</sup> Akanya fela, O dirile tshenolo e kgolo eo e itsege mo go rona. A ga re Mo rate? [Phuthego ya re, “Amen.”—Mor.] A Ena ga a gakgamatse? [“Amen.”] Ka foo re lebogang ka ntlha ya Morena Jesu wa rona; go se kitla a re latlha. “Bonang, Ke na le lona ka nako tsotlhe, le e leng go ya kwa . . .” A lo akola *Dibeke Tse Masome A Supa Tsa Ga Daniele?* [“Amen.”] Ao, a rona ga re Mo rate? Go dira jang?

Tumelo ya me e leba kwa go Wena,  
Wena Kwana ya Khalefari,  
Mmoloki . . .

Mo obamele fela, go tswa pelong ya gago.

Jaanong nkutlwe fa ke santse ke rapela,  
Tlosetsa maleo otlhe a me kgakala,  
ntetlelele go tloga gompieno  
Ke nne wa Gago gotlhelele!

Fa tharaano e e lefifi ya botshelon ke sa e tsamaya, (rotlhe re a go dira)  
Mme masisapelo a anama go ntikologa, (Ee, Morena.)  
Wena nna fela mokaedi wa me; (O nkaela fa gare ga jone, Morena.)

Ao laela lefifi le fetoge go nna letsatsi,  
Phimolela dikeledi tsa bohutsana kgakala,  
Se ntetle le ka nako epe ke fapogege  
Kwa thoko go tloga mo go Wena.

[Mokaulengwe Branham o simolola go opelela mo menong *Tumelo ya Me E Leba Godimo Kwa Go Wena*—Mor.]


Thata mo pelong ya me e e koafalang,  
Tlhotlheletsa tshesego ya me;  
Laela lefifi go fetoga go nna letsatsi,  
Phimolela dikeledi tsa me tsotlhe kgakala,  
ntetlelele go tloga gompieno  
Ke nne wa Gago gotlhelele!

<sup>165</sup> Oho Jesu, re a bona re atamela sengwe. Isaia moporofeti ne a bua ka gone, Jeremia o buile ka ga gone. Daniele ne a leba kwa morago a bo a bona se ba se buileng. Go ne ga dira gore pelo ya gagwe e feretlhege, mme o—o ne a lebisa sefatlhego sa gagwe ntlheng ya Legodimo. O ne a itima dijo, letsela la kgetse le molora. O ne a batla go utlwa, gore a tle a tlhagise batho.

<sup>166</sup> Morena, re bona ka Dibuka, le rona, Buka ya Gago, Buka ya ga Isaia, Buka ya ga Jeremia, Buka ya ga Jakobose, Johane, Luka, Mareko, Matheo, Buka ya Tshenolo, Dibuka tsotlhe tsa Gago, gore re atametse bokhutlo. Mme re lebisitse sefatlhego sa rona ntlheng ya Legodimo, mo thapelong, mekokotlelo, go batlisisa kwa re tshelang gone, Morena. Re simolola go bona lesedi la letsatsi le tlhaba. Mme, Morena, re tla kwa go Wena. Tumelo ya rona e leba kwa go Wena jaanong. Re beelang fa thoko mokgweleo mongwe le mongwe, boleo bongwe le bongwe, tumologo nngwe le nngwe e nnye e e tlaa re rareetsang motlhofo jaana, re dira ka thata jaanong re lebile kwa pitsong e e kwa godimo, re itseng gore nako ya rona e lekanyeditswe.

<sup>167</sup> Segofatsa batho ba teng fano, Morena. Ba A go rata. Ke ba Gago. Ba tswetse fano. Ke Wena Yo o senolang. Re rapela gore O tlaa dumelela dilo tsena mo go rona jaaka re letile Wena.

<sup>168</sup> Re neela tshokologo e e molemo ya thuto, Morena. Re neele tlhaloganyo. Re buse gape bosigong jono, re lapologile. Morena, ntloletse lebaka lena la ketelo e e garataro ya ga Gabariele, tshokologong ena, ao, jaaka ke ithuta, Morena. Fa Gabariele a ne a tla go eta a bo a neela bokao jo bo garataro, Morena, re tshwanetse re itse seo. Re ithuta ka Dibuka mme re a itse gore re gaufi. Jalo he re rapela gore O tlaa e re senolela bosigong jono.

<sup>169</sup> Letsatsi la Tshipi le le tlang, Morena, Ao Modimo, tsenya malatsi ao teng foo. Ga ke itse gore jang, fela O kgona go re tsisa kwa nakong e e lebaneng. Go dumelele, Rara. Re ikantse Wena. Re a ratana mme Madi a ga Jesu Keresete, Morwa Modimo, a re itshekisitse boleo jotlhe. Re ikantse Wena jaanong. Re thuse jaaka re letile Wena, Rara, ka Jesu Morena wa rona. 

*DITAELO TSA GA GABARIELE KWA GO DANIELE* TSW61-0730M  
(Gabriel's Instructions To Daniel)

TATELANO YA TSA DIBEKE TSE DI MASOME A SUPA TSA GA DANIELE

Molaetsa o ka Mokaulengwe William Marrion Branham o ne wa rerwa la ntlha ka Sekgowa mo mosong wa Letsatsi la Tshipi, Phukwi 30, 1961, kwa Motlaaganeng wa Branham ko Jeffersonville, Indiana, U.S.A. O tserwe mo theiping ya makenete mme wa gatiswa ka Sekgowa o sa khutswafadiwa. Phuthololo e ya Setswana e ne ya gatiswa le go abiwa ke ba Voice Of God Recordings.

TSWANA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatsiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwe go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwa go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)